

E. XII. p

53042/A 18



2 3341

Manelli
16/2/10

È della Speziaia

DE
PULSIBUS
ET MOTU
SANGUINIS.

D E
P U L S U S

NATURALI INSENSIBILITATE
IN CARPIS

Et de Systolis Arteriarum Ufu

Ad Illustreſſimum, & Reverendiſſimum D. D.


JO: HIERONYMUM
DE TURRI

Januenſem Optimatem, & Lunen.
Sarzanen. Episcopum

PETRUS CAROLUS VASOLI
FIVIZANENSIS

A C C E S S I T .

De Sanguinis velocitate in Arteriis
comparata cum Sanguinis
velocitate in Venis.



MASSÆ, MDCCXXXI.

Apud Fratres Frediani Typogr. Ducales.
Superiorum Permiſſu.



Um publicæ felicitatis firmitas,
Illustrissime, ac
Reverendissime
Præsul, in eo

maximè posita sit, ut animi
securitate non minùs, quàm
corporis incolumitate (utra-
que ab alterutra plerunque
dependente) fruantur ii, qui
divinis, ac humanis præsent
rebus, inter quos duplici for-
te vigens, Dei Optimi Maximi
gratia, præcellis; Expedit com-
muni Bono, ut quicquid ad
eas conferre, vel saltem quo-

cumque modo referri visum fuerit, in medium producat^{ur}.

2 Quam ergo in Te ipso cognovi pulsus in Carpis naturalis ob^{sc}uritas, quinimmo, dum perfectiùs vales, insensibilitas, etsi, nec animi tui securitati, omnium Virtutum cumulo super humana quæque jugiter eminentis, neque corporeæ sanitati, quæ in Te numeris omnibus est absoluta, noxia sit. Attamen, cum primum ea mihi comperta fuit, magna me cupido incessit, ad te de ipsa scribendi, ut rei causa inquiratur, & deficientis signi, quod tanti est apud Medicos, siqua detur occasio, quam Deus avertet, supplementum maturè prænoscat^{ur}: & necui Medico pulsus tuus primitùs explorandus, majus, quàm

7
quàm par fuerit, negotium faciat; quod re intacta facillimè posset cum detrimento aliquando evenire, ac etiam oretenùs admonito deterius omen imprimere.

3 Præterea cum is sis, Optime Antistes, quem, præterquamquod omni sapientiæ genere ornatus es, mirabili physicarum, atque anatomicarum notionum claritate differentem audiverim, ideo sperare mihi liceat, fore, ut tibi fortè non sit invisum hoc rude quidem, sed humili obsequio dictatum ratiocinium.

4 Quod Scriptorum placitis libenter firmassem, sed cum plures eorum de pulsibus tractationes adierim, mea me spes fefellit, rei causam apud eisdem inveniendi, cum nec ver-

bum quidem ab iis (saltem, qui apud me sunt) prolatum reperim *De naturali pulsus in Carpis insensibilitate*. De qua Galenus, si quid unquam pronunciavit, eam non dari potius asseruisse videtur, cum scripsit.

*Galen. de
pulsib. ad
Tirō. cap.
1.*

Semper Arteriæ temporum, ac in carporum, seu brachialium parte interna illustrem motum habent. Sed facile adducerer, ut eum dictione *semper*, pro eo, quod, *ut plurimum* significet, usum fuisse crederem, nisi istius naturalis pulsus subsidentia in carpis, mihi pluriès, & aliis observatæ, nusquam mentionem faciat, inter innumeras ferè pulsuum differentias, quas tradidit, quæ quidem multò sunt plures, quam, quæ veriùs observabiles sint tum in hominis sano statu, cùm in præternatu-

turali (ut vocant) & morboſo .
 Illarum enim pleręque meta-
 phyſicum potiùs acumen ſape-
 re , quàm prælibamina expe-
 rientię præſefferre videntur .

5 Quicquid ſit , quamvis ad
 veriores proprietates à Neote-
 ricis contractus ſit ille magnus
 pulſum numerus , horum ta-
 men aliquę differentię , de
 quarum indagatione plurimi
 referret eſſe ſollicitos , vel ſi-
 lentio ſunt prætermiſſę , vel
 ad alterutrum dumtaxat ſtatum
 ſanitatis , vel morbi æſtimatę
 fuerunt , licèt utrique non ra-
 rò accidant ; ejus enim ſenten-
 tię ſum cum Clariffimo Lau-
 rentio Bellini , rerum medica-
 rum expoſitori ſolertiſſimo ,
 quaſcumque in utroque repe-
 ribiles eſſe , ſicut hanc inſenſi-
 bilitatem , quam morbis ferè
 le-

lethalibus sub nomine deficientiæ pulsus, sive hujus abolitionis Medici plures cum Galeno adscripserunt. Inquit enim Galenus: *Et qui permanent in extrema parvitate (pulsus) nec omninò sese recipiunt, languidiorē facultatem, quam in iis ostendunt, sic si prorsus deficient, significant ultimam quandam imbecillitatem.*

6 Dum interim, è contra, pulsus tuus, Præstantissime Domine, in extrema parvitate, immò in deficientiæ apparentia celatus, non solùm ultimam imbecillitatem non ominatur, sed tunc præcipuè, dum penitus delitescit ab omni ægritudine, & à quovis incommodo immunis esse consuevisti. Et si quando conspicuum pulsum in te adnotavimus, tunc potissimum

*Galen. de
caus. puls.
lib. 2. c. 3.*

mum vel febrem aliquam pateris, vel saltem corporis, aut animi aliqua concitatione commoveris. Quod certum esse pluribus notationibus usque adhuc adhibitis animadverto.

7 Quod quidem de aliis etiam pulsibus observatum, ansam dedisse Celso, ut celebre dictum evulgaret, videtur, venarum nomine simul arterias ipsas (ut veteres consuevere) appellanti, nempe: *Venis enim maxime credimus fallacissima rei, quia saepe istae leniores, celerioresque sunt, & aetate, & sexu, & corporis natura. Et plerumque satis sano corpore, si stomachus, &c.* Hoc tamen non eatenus accipiendum esse, censeo, ut eum damnasse credamus, pulsus observationem: Sed monuit hic, eam tanti facien-

Celsus
Med. lib.
3. cap. 6.

ciendam non esse, ut huic omnia tribuamus, neglectis aliis observationibus. Et deinde, ut sciamus, quòd, si pulsus inquisitio absque sedula cautione, & oscitanter exerceatur, multifariam falli possit, qui hanc adhibere præsumat. Etsi enim pulsus, omnes ferè differentix in utroque statu sanitatis, aut morbi aliquando dari possint; tamen, ut plurimum alterutrius propriæ solent esse, quod mecum practici observarunt.

Villis. de febrib.

8 Adeoque optavit Cl. Villisius, medicum, cujuscumque hominis sani, quem suæ curationi aliquando subjici posse, suspicetur, pulsum præcognoscere; & addit Clar. Bellini. *Manifestum est, pulsum naturalem cujuscumque hominis, esse posse di-*

Bellin. de puls.

diversum à pulsu alterius, adeoque nihil à Medico ex pulsu solo deduci posse, ac dignosci, sitne aliquando naturalis in hoc, aut illo homine, nisi ejusdem naturalis pulsum agnoverit.

9 Sed quod attinet ad pulsum naturaliter insensibilem cognoscendum, cum non parum facere posse arbitrer etiam illius in statu morbofo, veluti præliminares quasdam notiones, in mentem revoco, à Medicis ipsam insensibilitatem pulsus in Carpis sub aliis cathégoriis, & appellationibus denotatam fuisse. Agunt enim de pulsu Deficiente, Abolito, Cessante, immò & Nullo, quos Morborum pessimis tribuunt.

10 Sed quamvis ex his ipsis qui à Scholis assignantur pro deterrimis pulsibus, ipsa eorum

rum insensibilitas consecutivè intelligenda sit, nihilominùs, hos eosdem Deficientem, Cessantem, Abolitum, & Nullum, & si qui similes numerantur, (inter quos intermittens tamen non recensendus) vivo homine non dari in ulla vel gravissima ægrotatione, contendendo. Ideoque easdem differentias Deficientis, Nulli, &c. ad solum pulsum insensibilem redigi debere affirmo.

II Certum est enim in aliquibus affectionibus (puta Scorbuticis, Hystericis, Synopalibus, Convulsivis, & similibus) pulsum persæpe sentiri non posse, idque per notabilia temporis, horarum, & usque dierum spatia, quibus elapsis, sensim resurgere. Exempli loco sit ille Restitutus

rius, qui nuper decumbebat lethali febre in via, quæ Calleri nuncupatur, cujus pulsum toto exacerbationis tempore, seu tota duratione paroxismi, quæ ad sex, & viginti ferè horas protrahebatur, inveniebamus penitus insensibilem, neque diligentia contactus, aut suspensi, aut compressi, perceptibilis erat. Donec oborto levi sudore, paulatim emicare distinguebatur per paucas horas, usque ad novæ accessionis initium, & sic deinde. Quod eodem similiter tempore in duabus ægris mulieribus evenisse à Domino Medico hujus Communitatis dignissimo Domino Homobono Barberi, relatum est.

12 In his autem, pulsum
tamdiù Abolitum, Deficientem,

tem, vel Nullum, dicere, quia nullatenus sentiri poterat, absurdum ex mox dicendis, putaverim; Constat enim, tales appellationes pulsibus, Aboliti, Nulli, &c. datas fuisse à Medicis non respectu manus Tangentis, quæ nullum, seu Deficientem, seu tamquam si non esset, reperiat, sed quia reapse cessasse, credunt, eorum motus, sive Diastoles, quæ solæ percipi solent. Ajunt enim e.g. *Pulsus omnino cessat in Syncope. Vel. Pulsus minimus, ac etiam reipsa nullus. Vel. Asphixias* (quæ species Syncope est) *est destitutio, seu privatio pulsus in toto corpore. Ex quibus patet, non in ordine ad sentientem solum, sed ad omnimodam quietem arteriarum, Scriptores locutos esse, quod*

*Fr. de le
Boe Syl.
prax. me-
dic. app.
tract. 2.
num. 238.
car. 413.
Bellini de
morb. pect.
p.m. 556.*

quod similiter dixissent de pul-
fu ante notati Restarii.

13 Sed notum esse suppono,
in motu sanguinis vitam ani-
mantis consistere, ut ut ab ali-
quibus, non tamen præter ra-
tionem, illa à respiratione de-
pendere potiùs asseratur; nihi-
lominus, quia dempto sangui-
nis motu, etiam ipsa respira-
tio cessare debet ob sanguinis
subsidentiam in partibus præ-
cipuis nostri corporis, & præ-
sertim pulmonibus: Ideo san-
guinis motu cessante, vel pe-
nitus abolito, vita superesse
non potest.

14 Sanguinis autem motus,
qui in animante nihil est, nisi
ejusdem distributio, atque dif-
fusio à corde ad partes, & re-
gressus à partibus ad cor, per-
severare nequit, nisi per im-

B

pul-

*Fr. Syl. de
le Bœ de
meth. med
l. 1. c. 3.
n. 8.*

*Malpigh.
epist. 1. de
pulm. p.
m. 17.*

*Hippocr.
de Corde
p. m. 61.
litt. F.*

pulsum sanguinis ab hujus ventriculis amplioribus in sensim angustiores arterias; & amplitudinem earum successivè minorem; Quia Conicæ sunt arteriæ, & Conicus earum processus: Et quoniam quælibet data sanguinis quantitas, quæ in qualibet contractione cordis exprimitur à Ventriculis, nominatim sinistro, major est, quàm, quæ recipi possit naturaliter, ab amplitudine trunci arteriæ Aortæ cordi infixi, & quoniam deinceps quantitas sanguinis, quæ à trunco ejusdem Aortæ recepta est, major est, quàm capacitas naturalis, segmenti, quod mente concipimus proportionale succedentis arteriosi tubi; posito igitur, quod à ventriculo cordis hoc modo, & his circumstantiis

impellatur, vel minimùm à corde sanguis, impossibile mihi videtur, quin saltem minimum cedant impulsui arteriarum tunicæ, quia naturâ distractiles, & cedentes sunt; & cedendo impulso sanguini, aliquatenus plus minus extendi debent, maximè cum per earum cavitatem transire non possit impulsus à corde sanguis, quin lineæ illius extrusionis à corde procedentis occurrant parietibus, & internæ superficiei tunicarum arterias componentium, & vel remissiozem, vel violentiorem faciant arteriarum extensionem ad extra, quod idem est, ac faciant dia-
stolem, seu dilatationem in ipsis arteriis. Quæ est pars pulsus communiter sensibilis.

15 Cum verò hæc ipsa pars

B 2 pul.

pulsus, quæ diastoles, seu dilatatio arteriarum dicitur (ad differentiam Systolis, quæ restrictio, & contractio earum est) eadem ipsa sit, de qua prædicant Medici in morbis aliquibus, quòd omnino cesset: Dico ex expositis hanc cessationem omnimodam, seu pulsus abolitionem, seu privationem non dari in homine quantumlibet ægrotante, ac languido, sed interim adhuc inter vivos degente, sicut eo vivente, non datur absoluta subsidencia motus sanguinis. Quo in casu pulsus insensibilitatem ponimus; & æquiùs illius abolitioni substituere, cogitamus.

16 Cujus rei ratio apparere videtur ex enarratis casibus Restarii, & mulierum antehac ægrotantium. Hi enim exacer-

cerbationum tempore, quo
 pulsus percipi non poterat,
 sensibus, & intellectus, spiri-
 tuumque animalium actioni-
 bus, totiusque corporis mu-
 sculorum, nerveique generis
 functionibus sufficienter (ad
 morbum respectu habito) vi-
 gebant; quæ omnia sine san-
 guinis circulo, & impulsu per
 arterias peragi potuisse abso-
 num esse, asserere quisque vi-
 det, & accidisse, sine aliquo ar-
 teriarum pulsu, ut ut insensi-
 bili, nemo affirmabit. Un-
 de enim in cerebri corticem
 pressio Piæ Matris, & hujus
 arteriolarum ad spiritus ani-
 males, & laticem nerveum
 diffundendos per totum cor-
 pus, evenire potuisset absque
 diastole illarum? Non ideo
 abolitus erat pulsus, sed ut-

cumque imminutus persentiri nequibat, qui etiam exercebatur in Carpis, quamvis non tantus, ut ad contactum perveniret. Quod dictum similiter sit de unoquoque Pulsu, quem Aboliti, vel Nulli nomine in homine vivente appellandum esse, docent Medici, velut omninò quiescentem, arteriis eo tempore feriantibus.

17 Hic posset inquiri, cur in allatis casibus pulsus in exacerbatione fuerit insensibilis? Quod quidem non ita facile demonstrabitur, sed ambigi potest, num in Restatio exacerbatio febris prolixior, spasmodici horroris duratione protraheretur, quo convulsis aliquantulum arteriarum nerveis filamentis, & tonica affectio-

ne detentis, parum, non autem nihil tunicæ illarum ad extra extendebantur, ex quo pulsus insensibilitas oriebatur.

18 In cæteris autem peioris notæ morbis, longum esset causas insensibilitatis pulsuum exactè describere. Quæ cum multiplices esse possint in ægri-
tudinibus diversis, non est hujus brevissimæ hypothæsis locus, illis omnibus expendendis. Potissimæ autem aliquæ possunt esse, vel viribus adhuc vividis, aut his imminutis. Si vigeant vires; quandoque pulsus insensibilis efficitur, ob spasmodicam arteriarum affectionem, qualem in Restarii pulsu designabamus. Vel aliò divertitur major animalium spirituum affluxus, & à propaginibus paris vagi (cujus soboles sunt arte-

riales nervuli) atque à fibris muscularibus, arteriarum, deflectit, adeoque parcius ad arterias proventus energicę substantię confluit, & harum motus languidior insensibilem pulsum facit. Quod, si insigniores aliquę partes corporis certis stimulorum acerbitate vexentur, frequenter continget, puta ex doloribus, titillationibus, aut ex animi magnis emotionibus, aut etiam in eventibus, in quibus vires ægrorum oppressę à Medicis appellantur, sed non dissolutę, nec debiles. In his enim casibus pulsus exilis quidem, & secundum magis, & minus sensibilis, vel insensibilis fit non autem abolitus est, nisi per mortem.

19 Vel vires non vigent, & spirituum animalium deficientiæ

tiæ pulsus insensibilitas tribuitur, propterea quod cordis vibrationibus languentibus, sanguinis impulsus, & pulsus arteriarum omninò defecisse videri potest: Quamvis sæpe numero recreata spirituum copia, resurgere consueverit, ut in syn- copalibus morbis non raro contingit.

20 Pulsum vero nullum, & revera omninò cessantem, sive (ut vocat Galenus) Aboliturum, dari aliquo modo fateri cogerer, ut mihi ipsi tandem contradicere videar, re superficie tenus considerata: Nam qui vulgo dicitur Intermittens, & qui tunc evenit, quando una diastoles amittitur, vel tardiori, vel frequentiori amissione recurrente, Deficiens, & Abolitus dici potest. Sed quia

Dia.

Diaſtolis effectus , amiſſioni
 ejusdem præcedentis, qui nihil
 eſt , niſi ſanguinis impuſus , &
 ejusdem motus per arterias con-
 tinuatus , adhuc in ipſa amiſſio-
 ne perſiſtit , ideo à vera Abo-
 liti pulſus proprietate alienus
 eſt . Suppletur enim iſtus ali-
 cujus amiſſio per præcedentis
 diaſtolis , vel etiam ſubſequen-
 tis majorem ac vividioſum im-
 petum , ut in praxi quiſque
 obſervare poteſt . Nam diaſto-
 les , aut præcedens , aut ſubſe-
 quens amiſſionem , ſolitis major
 eſſe ſolet .

21 Hic autem pulſus cum ſe-
 pius fiat vel ſpaſmodica affectio-
 ne fibrarum arterias conſtituen-
 tium ; vel extranea ſubſtantia ,
 cordis aut proximarum par-
 tium cavitates obſtruente ; vel
 ſpirituum inordinato motu , vel
 ſan-

sanguinis acredine vellicante membranas; vel etiam flatu in sanguinis massa redundante, prioribus causis productus summum hominis discrimen minatur: si diutiùs contingat, aut repetatur sæpius intermissio. Nam revera in amissionibus ictuum non solum arteriæ a motu dilatationis, & diastolis, sed cor ipsum à motu constrictionis, seu systolis, eodem tempore cessant. Ut percipere quisque potest apud hujusmodi patientes, utrobique simul manibus appositis; quod & sentitur ab ipso ægroto, qui cordis hanc subsidentiam, oppressionis nomine, ut mos est, explicabit.

22 Posthabita infestorum Pulsum consideratione, quæ tamen faustorum cognitioni aliquid prodesse potest, monente

Ari-

Aristotele, ejusdem scientiæ esse opposita considerare; cum ab illorum causis tuus pulsus divina providentia procul absit, quod certo constat ab optima, qua frueris valetudine, in ipsa majori pulsus insensibilitate, superesset hic me dissertatiunculæ metam propius respicere, perpendendo modos, quibus hæc naturaliter contingat, & quo præcisè in te fiat.

23 Ad quod multum faceret totam de pulsibus tractationem à primordiis revolvere, quod benignissimæ tolerationis tuæ videretur abusus, dum interrim tibi, qui notionibus hujusmodi fuisti delectatus, multa de iis pateant. Summatim tamen aliqua, à re non aliena digressionem, de illis in genere luperraddi concedas.

24 Arteriarum pulsum plures Medici in ordine ad illius diastolem definiunt. Cujus definitionis rationem affert Clar. Bellini, verbis, quæ hic referre cogor gravissimi Viri auctoritate allicitus, nempe: *Quia verò subitus ille incursus in digitos, & violenta eorum pressio nihil aliud est, quam percussio, ictus, vel pulsatio, aut pulsus quidam, & pressio digiti arteriarum affectus, incursus igitur ille proprie appellari poterit pulsus. Quia verò usus obtinuit, ut nomine pulsus non solum motus verè percutiens sed etiam alter subductionis simul intelligatur, ideo dupliciter definiri potest pulsus, & respectu digitorum ipsum percipientium, & respectu arteriæ, quæ movetur. Respectu Arteriarum pulsus nihil erit aliud, quam alterna ipsarum*
di-

*Dtgressio
 de Systo-
 lis arte-
 riarum
 usu.*

dilatatio, & constrictio, quarum altera, nempe dilatatio sit ipsis violenta, per impetum sanguinis à corde trusi & constrictio naturalis per restitutionem villorum à quibus comprehenduntur.

25 Definitionem verò quam subdit respectu digitorum eamdem ferè esse cum prima satis patet, sed ab iis, quæ subjungit inferius, patet etiam, illum ejus fuisse sententiæ cum Galeno cæterisque Medicis, constrictionis arteriarum merè nullum esse usum: inquit enim ibi. *Quoniam enim pulsant arteria propter impetum sanguinis, nec sanguis habet impetum nisi impressum à corde, nisi igitur cor moveatur, arteria non pulsabunt.*

26 Quod, ut verum fatear, mihi sedulo id perpendenti non
le-

levem difficultatem intelligendi præbet. Nec notam temeritatis incurrere arbitror, si contra communem fortè sententiam dixero pulsare arterias in dilatatione non solum, sed etiam in restrictione, & sanguini per hanc ipsam impetum facere.

27 Quod pulsent in systole quamvis tactui non appareat, alio sensu manifestum esse potest cuicumque, qui curiositate ductus id ipsum experiri voluerit, dum enim in lecto jacet vel motu locali, aut quocunque insigni labore, sive ardentiori febre, vel qualibet simili causa concitato interno sanguinis cursu (sæpe etiam non concitato) si caput ita inhæreat pulvinari, ut auris externa revoluta supra proprium orificium
exa-

*Arteriæ
in sua Sy-
stole pul-
sant.*

exactè ipsum compressa claudat; tū plenum sentire poterit tam diastolis, quam systolis arteriarum capitis, sonitum, quem optime distinguet, utriusque motum esse, si carpo alterutrū digitis alterius manus applicitis, observabit in hoc loco pulsationes arteriæ tardiores: in capite verò, quæ audiuntur, duplo frequentiores. Quod cum primū in me ipso adnotassem, & quidem bene valerem, credidi, me summa pulsus frequentia laborare, dum secus nihil ægritudinis persentirem, tunc ad carpum sinistrum admota dextera, consuetam, & naturalem pulsus quietem (soliis diastolis motu per tactum percepto), intellexi me etiam systolis ictum ex arteriis capitis, auditu antea sensisse.

naetus
A

fisse. Quem pluries deinceps audio in certo quodam narrato decubitu.

28 Quod palam facit, arterias etiam in systole pulsare, & non improprie pulsum vocari systolis motum, & sicut in earum dilatatione pulsus ad extra peragitur, in restrictione introrsum tendit.

29 Quia verò supponimus cum Cl. Bellini arterias universas sanguine plenas esse, & sonitum systolis, qui alternatim succedit sonitui diastolis, fieri non posse ab allisione tunicarum concurrentium in se ipsas, alias enim nulla substantia arteriarum cavitatem replet. Strepitus ergo ille exprimit percussionem corporis alicujus, quod intra arterias continetur, seu sanguinis, qui id-

*Systolis
arteria-
rum mo-
tus non
impro-
priè pul-
sus dici-
tur.*

circo in earum systole pulsus, aut impulsus est versus extrema. Non ergo a corde solo, sed ab arteriis etiam impetum suscipit.

30 Quod ex eo potissimum evincitur, quia partibus omnibus corporis animantium, & præcipuè carneis, membranaeis, atque nervosis proprius, & naturalis est motus, qui contractio dicitur, sive restitutio, sive Peristalticus, & nihil aliud est, quam insita vis illa, qua villi, seu filamenta membranas carnes, & nervos, (immò & ossa) componentia, quoties extrinseca violentia distrahuntur, aut extenduntur à naturali positione in majorem vel longitudinem, vel latitudinem, ea violentia externa cessante, quanto majori, eo celerius, atque validius ad priorem statum, se resti-

*Motus
peristalti-
cus mem-
branarū
quid.*

stituunt. Sic arcus chorda, vel
 musicorum instrumentorum,
 aliqua facultate, quæ illam vio-
 lenter extenderit, cessante, im-
 petuose ad pristinam positionem
 naturaliter redit. Quod pen-
 dere a partium eadem filamen-
 ta componentium textura,
 contorsione, figura, duritie,
 situ, atque positione, probabi-
 le est. Hoc notum faciunt ar-
 tefacta quædam fila diversimo-
 de contorta, serica, linea, mem-
 branacea, & ejusmodi, quæ si
 extendantur, extensione cessan-
 te, illico ad priores cincinnos,
 aut aliusmodi formas consue-
 tas, sponte restituuntur. Huic
 simili proprietate a tensione se
 contrahunt, ex animalibus vita
 functis exemptæ carnes ac mem-
 branæ, &c.

*Ex quo
 fiat.*

31 In vivis autem fibris car-

C 2 nium

*In vivis
membra-
nis major*

nium, & membranarum eò magis vigere hanc restitutionis, seu contractionis virtutem, ex eo probabile est, quod quælibet earum spiritibus animalibus irrigantur, qui in omnes particulas corporis influentes, & præcipuè musculos, & membranas, eorum motus naturales roborant, & promovent.

*quomodo
fiat.*

32 Illud insuper annotandum, hanc partium contractionem fieri juxta ordinem, & structuram fibrarum componentium partes. Quæ positiones, aut ordines, etsi plurium generum esse possint, omnes tamen, mea sententia, rediguntur ad duas. Vel enim fibræ circulares sunt, vel Rectilineæ. Siqua igitur pars rectilinea fuerit, & recta procedant illius filamenta componentia, quæ di-
stra-

strahuntur, & elongantur, restitutio, sive contractio fibrarum fiet per abbreviationem partis, & termini, in quos definit, sibi invicem magis accedent: Si verò pars erit circularis, & circulariter positæ illius componentes fibræ, quæ extenduntur, contractio, sive restitutio fiet per circulum, & pars prius extensa, & dilatata fiet angustior. Adeoque comprimetur, si quid intra ipsam partem contentum est: quod si fluxile fuerit, quæ pateat aditus, exprimetur. Sic obvenit à motu peristaltico ventriculi solutiorem cibum ad intestina exprimentis, atque à motu intestinorum Chylum, & feces ad sua itinera propellentium. Sic fit in corde ipso spirali-
bus fibris donato, sanguinem

*Ex variis
fibrarum
figuris di-
versè ope-
ratur.*

nem sua systole ad arterias vibrante.

Arteriarum structura.

33 Constant autem arteriæ quadruplici tunica, scilicet, tenuibus duabus, extima, & intima, quæ nervæ sunt substantiæ, & crassis alteris, nempe glandulosa, & musculari, quæ ordine ab extima sumpto, tertia est: Hæc verò fibris carnis, seu muscularibus, atque circularibus prædita est ita congestis, quamplurimisque series earum superstratis, ut robustissima, densaque reddatur, atque insuper multò crassior, quam ipsa (quæ secunda est) glandulosa. Ad has autem tunicas arteriarum, præter vasa sanguifera, nervæ propagines a sexto pari vago multò plures occurrunt, quam ad ipsum parenchyma cordis, Villisio teste.

34 Cum verò arteriæ structuram omnia constituent, quæ in muscularibus membranis requiruntur, ut munus exercent contentas substantias exprimendi, & ad proprios terminos urgendi, palam est, simile munus arteriæ datum esse sanguini admissio impulsu faciendi, quem ipse non à corde solo, sed etiam ab arteriis, suscipiet, & præcisè ab earum systole, non autem à diastole, rationibus supra expositis hoc ipsum evincentibus.

est muscularis.

35 Neque enim probabile est cordis solius impulsu tantum esse, ut totam sanguinis massam valeat commovere ad maximas vasorum universorum distantias, & ad totum circulum peragrandum, nisi subsidium suppetant arteriæ. Adeo-

que, quod ipsum cor sua systole projecit, ut projectio sufficiat, systoles arteriarum urget. Hinc non incongruè forsan (si à magni nominis Anatomicis spinalis medulla, & nervi cerebrum elongatum vocantur) arteriæ ipsæ, ob idem munus, & structuram muscularem Cor elongatum dici possunt, nam cordis vices exactissime subeunt.

*Arteriæ
sunt Cor
elonga-
tum.*

36 Eas autem hoc subsidium cordi præstare inde patet, quod musculati tunica gaudeant validissima, & circularibus fibris prædita, quibus proprium est contentam cavitatem comprimere, & constringere; Præterea cum tot nervorum propaginibus, & consequenter multo animalium spirituum proventu scateant, necessarias cordi suppetias ulterius impellen-

lendi contentum sanguinem arterias exercere, in dubium revocari non potest.

37 Hoc ipsum Thomas Villisus aliquo modo tetigisse videtur, sed cum motrici tunicæ arteriarum munus non solum systolis, sed etiam diastolis tribuat, non levem menti meæ difficultatem parit, nam nihil facere ad diastolem fibras arteriarum motrices, qua motrices sunt, seu musculares tunicas puto. Motus enim diastolis, sive tensionis ad extra, est eisdem merè violentus, quia vi sanguinis impulsæ a corde non per proprium (ut ita dicam) instinctum dilatantur: E contra vero systolis motus, est merè naturalis arteriis, ab ipsa earum structura dependens, & ob insitam, propriam, certamque
fi-

*Diastole
proprium
non fa-
ciunt.*

Eam patiuntur.

Usus Systolis impulsus ulterior sanguinis.

figurationem, ac positionem fibrarum, spirituum animalium concursu exercitus. Uno verbo diastolem patiuntur arteriæ, systolem verò peragunt. Et quantum patiuntur in dilatatione ab impetu sanguinis irruentis, eodem vix laxato, tantum, immò intensiùs agunt se restituendo aut constringendo. Quia verò ipsa constrictio (quæ systoles est) in rivum sanguinis impetum facit, ipsi majorem impulsum communicabit, ut securiùs illius iter perficiatur. Qui usus systolis mihi præcipuus videtur: Non autem diastolis, quæ in arteriis à corde proficiscitur. Rem vulgari similitudine clariùs exponi posse opinor: Si enim projectionis teli ab arcu duplex momentum consideremus, scilicet tensionis in chorda

da nervea violentę, & (ea laxata) restitutionis ad pristinam positionem ejusdem chordę; duplicem impulsus satis similiter exercitum in sanguinem, agnoscere possumus: in tensione scilicet, & restitutione arteriarum, adeo ut à tensione arcus, seu illius chordę diastoles, à restitutione systoles, & quidem majoris impulsus momentum ab hac ipsa, intelligatur; Quale est à systole cordis, non autem ab illius diastole, & nulla minori ratione arteriis denegandum.

38 Huic usui primario succedit alter communis systoli, atque diastoli. Cum enim per utrumque motum dilatationis, & restitutionis, sanguis occurrat in resistentes parietes arteriarum, à corde impulsus, &
ab

Similitudo earum systolis, & diastolis.

Major impulsus in sanguinem à systole cordis, & arteriarum.

*Alter u-
sus inti-
mior mi-
xtio san-
guinis.*

ab arteriis repulsus, necessariò subactatur, diducitur, & ad intimiorem mixtionem (antequam ad partes perveniat) urgetur. Et sicuti cor per eodem motus dilatationis, & restitutionis ulteriorem mixtionem post pulmones peragit; sic arteriæ post ipsum cor (ante nutritionem) ultimò sanguificationem perficiunt. Neque enim nisi per similes motus ipsa in pulmonibus elaboratur.

*Num san-
guis velo-
cius in
diastole
quam in
systole ar-
teriarum
fluat.*

39 Sed quoad primum systolis expositum usum illud quæri posset, num sanguis velociùs in diastole, an in ipsa systole per arterias fluat? Quod quamvis à Cl. Bellini tractatu de sanguinis missione, sub initio, resolutum videatur; sanguinem scilicet in utraque motione arteriarum æquè velociter

ter progredi, animadvertendum est tamen, quod ab aliquibus opponitur in arteriotomia communiter observatum. Nempe ab arteriis casu fortuito incis per saltus, & succussatim effluere, per sectum locum sanguinem, & quidem velociùs: & copiosiùs, atque ad majorem distantiam, quàm in intervallo inter saltus ipsos emissum, in quo perenni quidem rivo sanguis exit, sed minori copia velocitate, atque distantia protruditur. Quia verò saltus ii synchronici sunt singuli cuicumque arteriarum diastoli, (nisi tenuitatem ingenii mei fefellit, repetita observatio) ex hoc videretur in diastole potiùs, quàm in systole etiam intra suos canales sanguis velociùs fluere. Quod tamen

fal.

talium est: Aliud est enim
 sanguinem extra proprium ca-
 nalem trudi, demptâ resisten-
 tia per sectionem, quæ intacta,
 & integra potius obstaculum
 ipsius cursui fuerat: Aliud est tu-
 nicis arteriarum integris, & co-
 nico suo processu non minùs,
 quàm præcedētis sanguinis mas-
 sa advenienti sanguini, resisten-
 tibus, ejusdem fluxum conside-
 rare. Quod quisque videt, di-
 versissimam velocitatem impor-
 tare. Integra enim, & infecta
 arteria, in sua diastole sangui-
 nem potiùs retardat ob resisten-
 tias hic expositas, quibus abla-
 tis, & per sectionem sanguini
 libertate relicta, eadem arteria
 fluxum extra seipsam velocio-
 rem, corde impellente, per-
 mittit. Nam hic idem cordis
 impulsus, in statu naturali ar-
 te-

teriæ, & in ejus diastole obices, & impedimenta nanciscitur, sed ea secta totus in aperto exercetur. Ex his autem adhuc incertum est, num velocius in systole arteriarum, quam in diastole fluere debeat per arterias sanguis. Quem enim in diastole tunicæ arteriarum, & sanguis præcedens, cordis impulsu, cohibent, in systole eundem tunicæ ipsæ validè se contrahentes promonent, atque adjuvant.

40 Sed de iis hætenus. Quatenus ea spectant ad dignoscendas diastolis, & systolis ferè oppositas vires, atque systolis usum, quem ullum esse, Medici negant, cum Galeno ita docente. *Systole in pulsibus relaxationis arteriarum operis est, &*

alibi: Etenim absurdum est ma-

xi.

*Galen. cl.
1. de usu
pul. cap. 6
negat ullum esse
systolis ar
teriarum
usum.*

ximè, nisi potius ejusmodi quod fieri omninò non possit, esse aliquem naturæ systoles arteriarum usum: nec tamen vim ingentem, quæ ejusmodi motum efficeret, datam esse.

*Reditus
ad pulsus
insensibi-
litatem
naturalem.*

41 Nunc revertendo ad diastolem, quæ ratione signi, multum ad praxim facit, eam breviter perscrutemur, oportet, quia cum tota, sit cordis actio dilatantis arterias, impresso sanguini impetu, internarum affectionum ideo maxima indicia præsefert. Quæ quoniam in te, Præstantissime Præsul, innoxie plerumque latet, & per hoc ipsum quod sæpius lateat, & rarò conspicua sit, intimarum mutationum non levia signa dare possit, esset aptioris, quàm meus est, calami nobile objectum, circa quod varia the-
ma,

mata perpendantur, quæ forte ab iis, quæ sequuntur facile deduci possunt.

42. Carpum Brachialem pro explorandis arteriarum dilatationibus elegerunt Medicorum scholæ, ut partem præ cæteris excarnem (cui similia sunt pedum Tarfi, ac tempora, in quibus Galenus in supplemento carporum, vel obtruncatorum, vel alias deficientium, proponit examen pulsus) ut partem, inquam, excarnem; & quæ commodius, atque honestius indagantium contactibus offerri potest, ibique magis emicat arteria, utpote externis infarctibus, aut carnis, aut pinguedinis non involuta.

*Carpus
quare pro
pulsus co-
gnitione
eligatur.*

43. Cum ergo motus arteriarum ad extra, sive diastoles fieri non possit, nisi eadem ipsæ

*Diastoles
arteria-
rum quo-
modo fiat.*

D

ad

ad majorem sua naturali amplitudinem extendantur, neque ad majorem amplitudinem extendi possint (ut Clar. Bellini verbis utar) nisi à loco moveant atque impellant contiguas, & circumpositas partes, quales sunt caro, pinguedo, tendines, & si quæ sunt aliæ, ideo, ut extendantur undequaque articularum tubi, necesse erit, ut impressionem faciant in easdem circumpositas partes. Quæ impressio, sive impetus, ab iis partibus, quæ sunt mollioris consistentiæ, & consequenter ipsi violentę impressioni cedunt, minuiatur necesse est, quod vulgaria quædam experimenta demonstrant. Ceu, si lanarum congestæ moles, muros Arcium oppugnatarum tegentes tormentorum vehementiam eludunt,

*Quare
major dia
stoles sit
insensibi
lior.*

dunt, illorum impetus minuen-
do; sic mallei fabrorum vio-
lenter in cedentem materiam
projecti debiles ictus faciunt,
& mille similia, quæ quisque
novit, hujus veritatis necessita-
tem ostendunt. Adeoque si par-
tes ipsæ quæ molles sunt, arteriis
circumpositæ, majoris massæ fue-
rint, & magis ideò cedentes,
idem impetus, & impressio,
etiam intra ipsas deperdetur,
& evanescet. Ita exempli loco
in corporis mollissimo ventre,
Abdomine, quod cum sit exos,
cedentissimæ est consistentiæ,
quæcumque arteria posita est,
& cujuscumque amplitudinis,
aut proximitatis erga externam
superficiem, difficillimè ad ta-
ctum Medici pervenire potest,
quia illius momentum tantum
non est, ut penetret spatium

*Cur arte-
riarum
pulsus in-
sensibili-
or sit.*

inter ipsam, & digitos positum, obstante partium circumpositarum molitudine.

*Cnr seu-
sibilis .* 44 Secus autem, si ab aliqua sui parte arteria dilatata impingat in corpus juxta positum non molle, aut cedens, sed resistens, ac durum, quale os est, aut similis ossi substantia, tunc evidens est, quod ratione reflexionis, motus arteriæ in actu dilatationis repercussus ab ossis duritie, revolvetur toto impetu ad oppositas partes, in quibus major fiet, quàm si ossis obstaculum non habuisset impulsio. Sic in expedito fluminis alveo libero cursu fluentes aquæ, placido motu labuntur, in oppositæ autem rupis obicem evertæ, impetum majorem, violentamque reflexionem repercussæ concipiunt.

45 In carpo brachiali arteria communiter explorata recta procedit secundum longitudinem ossis, quod vulgò dicitur Radius, cui proxima est, sive potius contigua. Ideoque in sua dilatatione os idem percutiat oportet, si vel mediocriter extendatur. Ossis autem durities percussioni resistens ejus impetum ad oppositam partem reflectet, in qua, digitis applicitis, arteriæ extensio, seu diastoles sentiri poterit, & perpendi.

*Quomodo
in Carpo
sensibilis.*

46 Clarum est ergo pulsus vulgo acceptum, sive arteriæ diastolem communiter sensibilem hac ratione contingere. Cor in sua systole (alternò spirituum animalium proventu in ejus fibras musculares, atque spirales ordinatè influentium)

contractum, statas portiones sanguinis exprimit extra suos ventriculos, & nominatim sinistrum, versus præcedentem sanguinis massam, qua universa vasorum cavitas plena supponitur. Quæ expressio, & impulsus cordis, cum sit majoris momenti, quàm momenta resistentiæ, quam exercent præcedens massa, & conica articularum structura, has ipsas extorsum dilatat, & motus diastolis efficitur. Qui quamvis continuò alternatim cum systole in tota vita contingat in omnibus arteriis, non tamen æquè in omnibus, & semper conspicuus est, nam percipitur tantum in arteriis partium excarnium, quatenus illæ in sua dilatatione duriori substantiæ occurrunt. Hoc autem

tem modo in carpis diastoles
est sensibilis. Si quando verò
insensibilis est digitis appositis,
id vel causis præternaturalibus
accidit, de quibus aliqua dicta
sunt, vel naturalibus, de qui-
bus mox addenda considero.

47 Aliquando pulsus inno-
xie insensibilis est, quando ar-
teria, quæ communiori cursu
ad carpum recta descendere so-
let, lusu naturæ, à sua brevior-
i via deflectit, & Radium, seu
fucile minus brachii supergres-
sa, proprio in loco non senti-
tur, quamvis investiganti se-
dulo totam carpi circumferen-
tiam, vel in externa parte, vel
in summo brachii termino sæ-
pius reperiaturs conspicua.

*Causæ na-
turalis in-
sensibili-
tatis dia-
stolis.*

48 Quandoque non super
Radium procedit, sed succedit
Ulnæ eodem modo contactum

effugiens. Has autem obliquitates patefacit vel diastoles insolito in loco, percepta, vel alterius carpi oppositi sensibilis Pulsus, ac perpetuum proprii loci silentium.

49 Solet etiam arteria utriusque Ossis, Ulnæ, & Radii interstitium penetrare, quod præcipuè conjicitur explorato brachii circulo, & nullibi pulsu, & nunquam adinvento.

50 Non rarè in obæsis, & ingenti pinguedinis mole præditis corporum pulsus obscuratur, in varia præsertim corporis positione, qua media premuntur arteriarum trunci, neque totam sanguini libertatem permittunt, ut pulsus quiescere videatur.

51 Hic mihi venit in mentem artificialis quædam versu-
gia

tia in carceribus detentorum, qui ut lethalem infirmitatem simulent, suos ita pulsus obsecurant, ut illusi medici jussu regio introducti, de illorum vitæ discrimine jurejurando testentur, ex quo illi ex carceribus ad nosocomia deducti suis rebus facilius consulunt. Quibusdam enim globis axillarum cavitatem exactè implentes, premunt arteriæ proximum truncum humeralem, & pulsus in carpis insensibilis elegantissimè efficitur.

32 Illud etiam pro medicina Tyronibus observandum est, quod in lecto jacentium multi incautè porrigunt pulsum explorandum, linteaminum, ac stragulorum involucro sub axillas adactò, ex quo plurimùm pulsus delitescit, sicuti evenit etiam

etiam, quando extenso in directum brachio, arteriæ tunicæ similiter extensæ dilatationis naturali nisui resistunt.

53 Demùm major quandoque carneæ substantiæ fertilitas, quàm solet adesse, inter os ipsum brachiale, atque arteriam explorandam, posita est, abundante natura. Tunc enim dilatabitur quidem naturaliter arteria, sed quia ossis duritiem non percutit, ob interpositam molliorem substantiam carnis, aut etiam pinguedinis ictui cedentem, propterea diastolis percussio non reflectitur ad extra in digitos ipsos, ex qua re percussione sensibilitatē pulsus præcipuè dependere superius observavimus. Et ex hoc ipso erit diastoles latens. Neque verò probabile puto, quod

ita major quantitas, seu crassities carnea, sive adiposa, extrinsecus in communibus integumentis abundet, ut impediatur arteriæ sensum, tunc enim pro arbitrio, compressione digitorum adhibita, tandem pulsus percipi deberet.

54 In te autem, amplissime Domine, non naturæ lusu deviat arteriarum rectitudo, vel obliquè deflectit Radium supergrediens, vel Ulnæ succedens, vel horum ossium interstitia penetrans. Quia aliqua tui corporis ægritudine, & concitatore impulsu sanguinis à systole cordis emisso, atque majori dilatatione Tunicarum arterialium evenientibus, pulsus tuus satis percipitur, ut in cæteris hominibus, in consueto carpi loco. Præterea quamvis car-

*Quæ sit
causa insensibilitatis
pulsus in Illustri-
ss. Præsule.*

carnosam sanè corporis constitutionem sortitus es: non tamen tanta vel pinguedine, vel mole carnis obrueris, ut hinc arteriarum diastoles opprimatur. Expeditus enim tibi est habitus, neque similibus compressionibus obnoxius.

Illius observatio.

55 Itaque certum mihi videtur, naturalem insensibilitatem tui pulsus, majorem, in dextro carpo, minorem in sinistro, ab eo pendere, quòd major, quam in cæteris hominibus carnosæ substantiæ copia sit interposita inter os ipsum brachii, & arteriam explorandā, qua mediante vasis dilatatio naturalis tanta non est, ut durum corpus ossis pertingat, atque ad extra illius impetus referatur, quod necessariò requiritur, ut ejusmodi arteriæ, quæ potiùs ex minori,

ri,

ribus in corpore humano sunt (ut ut non ex minimis) quàm quæ aliàs sentiri possint, extensæ percipiuntur.

56 Hanc verò esse probabiliorem ejusdem tuæ insensibilitatis causam potissimum patet, quod in sinistro carpo, illa minor soleat esse, ubi saltem aliquatenus pulsus persentitur, quam in dextro, ubi in perfectiori tua valetudine nullatenus apparet; Cujus rei rationem non aliunde peti posse concipio, nisi ex majori brachii dextri carnositate inter Radium, & arteriam existente. Commune enim experimentum demonstrat, partes corporis nostri, quæ majori motu exercentur, etiam magis enutrirî, & in his carnosam substantiam aliquantò magis, quam in minùs exerci-

*Ejusdem
causæ pro
batio.*

citis motu, augeri solere. Quod nemo negabit, qui vel chirothecas, vel calceamenta, & similia quædam, etsi mensura, & capacitate simillima sint, immò eadem, difficiliùs dextris partibus aptari, quàm sinistris, observaverit.

57 Hinc ergo deducam has ipsas, pulsus sensibilitatem, quam in te præternaturalem vocabo propter enarratas observationes, & insensibilitatem, quam propterea naturalem, & propriam dico, expertis rei tuæ medicis (quæ tales illæ sunt) easdem ferè cognitiones afferre posse, quas in aliis naturalis pulsus sensibilitas, dare solet.

58 Quoniam enim naturalis mensura perfectæ tuæ sanitatis est, apparentia privationis pulsus in dextro brachio latentis,

&

Ex eadē ipsa insensibilitate pulsus tot signa peti possunt, quot ab aliorum sensibilitate.

& in sinistro exilitatem, aut obscuritatem præferentis, hoc systemate perseverante, omnia te sospitant, neque febris, aut ullius sanguineæ concitationis concipi suspicio poterit, A feбри enim rarefaciente massam, & motum cordis citante, major impetus sanguini imprimitur, ex quo ampliores diastoles fieri necesse est (præterquam in horrore febrili), & quæ in sanitate ad ossis duritiem non feruntur dilatationes arteriarum in febre, aut alia interna concitatione ampliores redditæ Radium feriunt, & reflectitur earum impetus ad consuetum aliorum pulsum locum.

59 In eo statu, quo solet, pulsu tuo permanente, minimè debilitas virium timeri potest. Quousque enim illa, quæcumque

Quare debilitatem non significet, & quan-

*do signifi-
cari ea
possit in
eodem.*

que sit, etiam minima sinistri
carpi sensibilitas perseverat,
satis virium adesse, censen-
dum.


60 Neque verò in te, sen-
sibilis aliquando pulsus utrius-
que brachii, erit illicò indi-
cium internæ febrilis accensio-
nis, aut insignium mutationum,
sæpe enim motu ipso locali,
& similibus insontibus causis,
maiores extensiones arteriarum
fieri possunt, quæ, si cætera con-
sentiant, nihil omnino minan-
tur.

61 Nec semper pulsus bra-
chii sinistri penitus occultatus
virium defectum arguere po-
test: Dum tamen illæ ex uni-
versa partium robore, atque
functionum animalium manife-
sta virtute, satis constare pro-
bentur. Quia plures pariter
in-

innoxiæ causæ illam tenuem
sensibilitatem abscondere pos-
sunt, nempe somnus, vigilia,
mentis intensior applicatio, &
similes.

62 Ex his autem paucis,
notitias plures tui pulsus in
quocumque statu desumi posse
credo. Multa enim ex iis ipsis
fundamentis, quæ posuimus,
pro temporis opportunitate,
ac incolumitatis tuæ conserva-
tione manifesta fieri posse con-
fido. Vale.

Dat. Kal. Jun. 1730.





Ad Eundem

*De aliquot objectionibus circa ea ,
quæ de Systolis arteriarum
usu dicta sunt in supe-
riore epistola .*

I Gnoscas , precor , Illustriss.
ac Reverendiss. Domine ,
si adhuc te moror circa systolis
arteriarum aliàs expositum
usum ; nam , cum precibus meis
faveret vir doctissimus , rogatus
ut sententiam suam aperiret
circa meas de pulsibus exara-
tas adnotationes , qua sperabam
humanitate , ea , quæ sequuntur ,
objecit .

63 I. Contra id , quod pa-
gina circiter 31. exposui per
observationem fidelem , ac cer-
tam (ab eo tamen admissam ,

ut protestatur) qua palam fit, systolis pulsationes auditu percipi posse, inquit, se quidem concedere, quòd in restrictione arteriæ, dum hæc à dilatatione ad statum naturalem se restituit, validè sanguis prematur; sed quia ab ipso sanguine, & ab ejus contactu, interni illius parietes nunquam distant, ideo non percipere, quomodo sanguinis ab arteria percussio fiat, dum à diastole libera se contrahit. Percussionem verò, atque hujus fremitum fieri non posse contendit, paritate adducta, lignæ sphæræ in lusorio ligone, sive pala (quæ vulgò *Maglio* vocatur) positæ, quæ quavis velocitate projicitur absque strepitu, & percussione, quia pala, & sphæra sunt ad contactum, & illa quidem urget, sed

sed quia neutrum corpus ab altero unquam distat, percussio nulla sequitur in projectione, neque sonus, quem aliunde potius in observatione, quam à percussione investigandum esse, suspicatur.

64 Quia tamen aliunde peti non posse video, quam à duobus arteriæ motibus, diastole, ac systole sonitum illum, quorum alter, nempe diastolis, adamussim semper correspondere tempori, quo tactu percipitur in carpo dilatatio arteriæ, manifestatur, ideo alterum sonum systolis esse, certissime constat.

65 Respondeo autem, quoad distantiam (quam necessariam esse supponit Cl. Vir) corporum allidendorum, ut percussio fiat, & ex ea sonitus

audiatur, hanc fortè non semper exigi in quibuscunque percussionibus, sed in casu non deesse quidem inter arteriæ tunicas, & sanguinis particulas, non sanè coacervatam, sive totam simul (ut ajunt scholæ de vacui aliqua specie) sed utique difeminatam tam inter partes, & partes sanguinis eodem tempore contractionis allidendas, quam inter arteriam, & partes sanguinis, quæ quia in continuo sunt motu intra canalis cavitatem, & quâ fluidum constituunt, & quâ impelluntur ad progressum, spatia distantiarum supponi debent ut ex propositione 268. Joannis Alphonsi Borelli de Motibus à gravitate pendentibus, demonstratur.

66 Cum verò sanguis ipse
ex

ex numero fluidorum sit, rationem contiguitatis sphaerae ligneae cum pala, quia solida sunt ambo corpora, subire non debet. Nam corpus fluidum (re-fero verba Illustrissimi Roberti Boyle) esse videtur eo in primis nomine, quod consistat ex corpusculis, quae dum se invicem in quibusdam tantum suarum superficierum partibus contingunt, incontigua sunt in reliquis, & separatim hinc inde agitata, facile possunt propter poros, & interstitia numerosa, inter eorum partes necessario relictæ, juxta suas invicem superficies volvi. Ergo (inquam ego) etiam repentina, vehementi pressione percuti.

67 Et quidem si nudum brachium nulli solido corpori

innixum intra fluidum aliquod, e. g. Aquam communem immerfum fuerit, aptatis manus digitis pollice, ac medio in modum, quo globos chartaceos, five ceraforum nucleos eminus ejaculamur, eodemque modo impetum in inferiores aquæ partes faciamus, quælibet digiti protrusio, strepitu in fluido, aliàs digitis contiguo, factò, auditur, ut non obsit, quin audiatur, indistantia corporis percutientis à percusso, quod quia fluidum, interstitia, quæ docet Boyle, continet. Quæ si de ullo fluido intelligi possunt, in sanguine potissimum supponere cogimur, ut spatiolis scateat vel omnino vacuis, vel tenuissima, aut aerea ubique substantia oppletis, quæ fluidum adeo pressibi-

bile constituunt, ut subita, & valida circumpressione (qua illico distantiole tolluntur) etiam crepitabile reddant, quæ circumpressio non præter rationem ideo percussio, ictusque, sive pulsatio dici potest.

68 Ad similem contactum est aer in internis pulmonum parietibus, cujus tamen non solum inspiratio, sed etiam expiratio audiri sæpissimè possunt. In quibus aliquid analogum cum systole, ac diastole arteriarum agnosci posse opinor, respectu præsentix fluidi admissi & expulsi, & contactus continui corporis solidi expellentis, cum fluido; Sunt ergo sufficiens distantia pro percussione, & strepitu arteriarum in systole concipiendis, spatiola vacua, quæ in sanguine necessaria-

*In pulmonibus ex-
spiratio
aeris au-
ditur.*

fariò supponi debent, & adduc-
tæ à me observationis robur
adhuc persistere faciunt.

69 II. Opponit, me ad pagi-
nam circiter 37. ejus esse vide-
ri sententiæ, cor ipsum in sua
systole ita constringi, ut ejus
ventriculorum parietes pro-
prius ad se invicem accedant,
exprimentes extra seipsos san-
guinem eo modo, quo solent
substantias, quas continent, ex-
pellere ventriculus Abdomi-
nis, & intestina. Dum interim
Cl. Alphonfus Borelli, ubi de
corde agit, demonstrat, hujus
ventriculos sanguinem expri-
mere modo quodam singulari,
nulli partium corporis Anima-
lis communi, & nullibi visce-
rum à natura exercito. Quia
nempe internæ ventriculorum
fibræ magnoperè turgescunt,
cum.

cumque ad extra extendi nequeant, quia musculares externæ cordis fibræ tamquam validissimæ fasciæ obsistunt, illarum igitur tota turgentia intrinsecus agitur, atque hoc pacto ventriculorum cordis oppleta cavitate, sanguis propellitur ad arterias.

70 Respondeo. Quamvis sententia, quam mihi tribuit, sit potius gravissimorum Viro-
rum, inter quos Franciscus de le Boe Sylvius, me tamen illo in loco nullatenus præcisè determinari ad explicandum modum extrusionis sanguinis extra ventriculos cordis. Ibi enim attendens hujus musculi fibrarum spiralem figuram assero, ejus proprietatem esse expellere contentum liquidum. In quo nihil fortè contrarium Bo-
rel-

*De le Boe
disp.med.
3. n. 32.*

rellianæ doctrinæ exponi opinor. Quæ quamvis mirabiliter explicet illum singularem modum extrusionis sanguinis ex ventriculis cordis mediante turgentia internarum fibrarum quia tamen & ipsæ demùm spirales utique sunt, ut ex autopsia, ideo quicumque sit ille modus extrudendi sanguinem, à proprietate circularium fibrarum non recedit.

71 III. Amabiliter monet, ut videam, num usum systolis arteriarum potius tanquam certum assumam, quàm probem, ut usque adhuc ab aliis factum est.

*Argumē-
ta pro u-
su systolis
arteria-
rum.*

72 Dico autem, me illum non supponere, sed niti probare argumentis, quæ pro brevissimi Ratiocinii suscepti qualitate, non autem pro tractatu
con-

conficiendo visa sunt satis.

73 Primò. Probo ex observatione pulsationis in systole, quæ cuicumque innotescere potest.

74 Secundò. Ex doctrina fibrarum, qua demonstratur, his omnibus partes corporis animalis constituentibus insitam inesse vim motus restitutionis, quando à tensione liberantur. Carneas autem, & musculares fibras non solum restitutionis vi præditas esse, sed ob illarum turgentiam per animalium spirituum, & sanguinis actionem fuscitatam potioribus motibus, quàm simplicis restitutionis, inservire cum pateat per celebres tractatus illustrium Virorum Croone, Villisii, atque aliorum, hoc verè supposui, tanquam notissim.

*Primum
ex pulsatione
arteriæ in
systole.*

*Secundū
ex fabrica
musculosa
arteriarum
tunicæ.*

finum; ideoque impositæ mihi
 brevitati studens, contentus fui
 exposuisse muscularem arteria-
 rum structuram, quarum fibræ
 Carneæ copiosissimæ sunt (ut
 ibi exposui) stratæ super stra-
 tas, & id satis argumento fuisse
 censui. Cum enim per hoc
 ipsum, quod non solum resti-
 tutio arteriarum fiat sub earum
 tensione, sed quia ab iis fibris,
 quæ circulares sunt, tam nota-
 bili multitudine simul confitis,
 musculum constrictorem con-
 stituentibus, aliquid amplius
 quam sola restitutio (quæ est
 actio etiam nerveis, membra-
 naceis, cæterisque omnis gene-
 ris fibris communis) pendere
 arguatur, ideo planam esse con-
 sequentiam putavi non ad so-
 lam restitutionem, & ad cana-
 lium istorum robur, quæ à
 cu-

cujusunque generis fibris præ-
stari poterant, adhiberi à na-
tura hunc elongatum muscu-
lum, sed pro speciali motu pe-
ragendo, & quidem summi
momenti, qui est systolis im-
pulsus in sanguinem.

75 Tertiò. Probavi hunc im-
pulsus ex proprietate actionis
arteriarum, quæ consistit in sy-
stole, ad differentiam diastolis,
quæ est iis violenta. Usus enim
partium primarius juxta Ana-
tomicos ab earum actione desu-
mi debet, ut docet Galenus de
usu part. lib. 17. cap. 1. ubi ait :
*Prima itaque utilitas animalibus
ab actione accedit, & ratio ipsa
suadet, ubi manifesta actio
exercetur continuò, ibi potio-
rem esse partium usum.*

76 Quartò. Probavi, ex im-
probabilitate sententiæ illo-
rum,

*Tertiò
ex actio-
ne pro-
pria ar-
teriarum*

*Quartum
ex neces-*

*sitate cir-
citus san-
guinis.*

rum, qui putant cordis impulsu sufficere solum ad sanguinis circuitum perficiendum. In quo considerari debent attenta mentis æquitate non solum universæ arteriarum longitudines, & penè innumerabiles illarum divisiones, sed etiam omnes similiter venarum multitudines sanguini referendo destinatæ. Et quamvis in his ab angustiore cavitate in ampliorem ille procedat, faciliori nempe transitu, quàm in arteriis, tamen quia corpus per se iners, & ponderosum est, non nisi per efficacem, & minimo incomparabiliter majorem impulsu per venas deferri potest sanguis ad tantas distantias, & tali velocitate, quæ non sit minor (nisi fortè sit major) ea, qua fere-

ba-

batur in arteriis, ut illius statæ portiones in cor deponendæ prestò sint, & pròptis recursibus succedant iis, quæ à corde exhauriuntur, aut his opportunè præparentur, quod alibi, Deo dante, inquirendum.

77 Quia verò cordis impulsus per arterias tum ob sanguinis visciditatem, atque tenacitatem (quam etiam in aqua communi cognoscimus, nedum in sanguine) ob propriam ejusdem gravitatem, & resistentiam, obque angustiores successive transitus, necessario minuitur, & ab eo solo sic immunito non potest imprimi momentum, quo per venas ille debita velocitate referatur ad cor, ex hoc sanè maxima probabilitas (nisi verius evidentia) deduci potest, arteriarum sy-

stolem subsidium esse cordis impulsui necessarium, quia si hunc imminui necesse est, systolis autem momentum semper est proportionaliter idem, & in quibuscumque successivis, arteriæ segmentis semper viget, & renovatur ab illarum musculari ubique nova energia, continua nervorum copia spirituum animalium penu supeditante, concludi potest, arterias etiam impellere sua contractione, & musculari restitutionis motu, sanguinem in cordis subsidium.

*Quintum
ex simili-
tudine sy-
stolis cor-
dis.*

78 Quintò. Probabam ex similitudine systolis cordis ipsius, qua impulsus imprimitur sanguini primarius ad peragendum totius corporis circulum, quia videtur alienum à consuetudine Divini opificii in anima-

mato corpore manifesta, systoles alternas cordis, & arteriarum instituisse, & eodem genere, & qualitate muscularium instrumentorum illas peragi voluisse, ut usibus contrariis, ut ita dicam, infervirent, & cordis quidem systolem pro tanta velocitate sanguini concilianda destinasse, arteriarum verò quæ cordi adstant, & ipsi continuæ sunt, systoli nullum in sanguinem eidem subeuntem, momentum imposuisse. Dum interim in confesso est apud maximos æternæ sapientiæ operum observatores (qui eam naturam vocare solent) hujus esse constantem in suis artificiis morem, ut eadem methodo procedat in majoribus, ac in minoribus operibus, & è contra. Ait autem sempiternæ memo-

riæ Præceptor Marcellus Malpighius opuscul. de Cerebro pag. m. 56. *Solet natura simplici, & unica ut plurimum methodo procedere, & exercitat. de Oment. Non assuescit natura inutilia in corporis penitioribus cumulare.* Sed clariùs de externo tactus organo car. 133. *Quoniam naturæ ut plurimum consimilis est operandi methodus.* Quod alibi confirmat etiam ex observationibus Hippocratis, & aliorum veterum, de quo videatur exordium de structura viscerum. Ex quibus illud mirabile videri potest, quod communiter alternarum diastolum cordis, & arteriarum usus idem receptionis sanguinis in utrisque cognoscatur, systolum verò eisdem modo, instrumentis, & alternatione

pe.

peractarum, cordis maximus, arteriarum verò nullus in expulsiōe sanguinis sustineatur.

79 Sed licet ea, quæ huc usque dicta sunt evidentissimè suadeant, systolis arteriarum usum, esse sanguinem ulteriori urgentia impellendi: Adest tamen Vir Clarissimus, qui Galeni sententiam de nullo illius usu, nuperrimè sustinere conatur; ait enim: *Verum ausim dicere elasticitatem Aortæ neque augere, nec minnere velocitatem sanguinis. Id quod vel hinc confirmatur, quod canalis flexilis, & elasticus cum sese contrahit, urget contentum liquorem aqualiter versus utramque canalis extremitatem. Atque idcirco quantum ab una parte juvat, vel promovet fluxum liquoris, tantum, & non plus, aut minus à parte*

*Michelot.
ti de se-
cret. ani-
mal. schol
prænot. 2
de motu
sanguin.*

contraria moratur, vel retardat eundem. Hac ergo compensatione facta, ea tantum liquori restat velocitas, quam excipit à viribus impellentibus.

8o Respondeo autem concedi posse, quod canalis flexilis, & elasticus, cum sese constringit, urgeat æqualiter contentum liquorem versus utranque illius extremitatem. Sed nego effectum urgentiæ, qui est impressio motus in liquore, æqualem esse ab utraque parte, si ab alterutra illius impedimentum aderit oppositum: Quo præsentem manifestum est, falsum esse, ut tantum ab una parte juvetur fluxus liquoris, quantum à parte contraria retardatur, quia à parte impedi-
menti evanescere debet effectus urgentiæ, qui à parte opposi-

ta in libero transitu viget,
ideoque falsa illa suppositæ
æqualitatis consequentia ad-
mitti non potest.

81 Noto autem Cl. Aucto-
rem sui argumenti Medium
desumere à liquore, quem fle-
xilis canalis utcunque conti-
net, nempe, sive sit quiescens,
sive fluat in eodem canali, quod
cum non determinet, aliquam
speciem veritatis facere videtur
illa æqualitas urgentiæ; Si e-
nim concipimus effectum ur-
gentiæ productum à canali se
contrahente in contento liquo-
re quiescente, certum est, si
cætera consentiant, illum æqua-
lem esse in utraque parte ad
invicem opposita. Sed si sup-
ponimus, liquorem in eodem
canali velociter fluentem, effe-
ctus urgentiæ, quamvis urgen-

*Michelot
ti senten-
tia expli-
catur.*

tia sit æqualis (quæ à contractione fit) non est æqualis versus utramque canalıs extremitatem , & ideo dici non potest , quod à contractione urgente tantum juvetur , quantum retardatur liquoris fluxus . Non est , inquam , æqualis versus utramque canalıs extremitatem , quia in parte , unde liquor cum impetu advenit , effectus urgentis contractionis , nisi sit longè majoris momenti , à motu liquoris advenientis contrario infringitur , & imminuitur , ideoque necessariò minor erit , quam in parte , ad quam tendit fluxus liquoris ; Et ob id ipsum supposita compensatio subsistere nequit , & æqualitas urgentiæ nihil facit , quia urgentiæ effectus , sive motus impressio in liquore semper erit longe
ma-

majoris momenti in parte, ad quam tendit naturalis fluxus liquoris, quàm in parte opposita.

82 Aorta igitur se contrahente urgebitur quidem æqualiter sanguis versus utramque illius extremitatem, sed in parte versus cor, unde sanguis impetuosè erumpit, nullus erit effectus contractionis arteriæ, scilicet nulla erit impressio contrarii motus, qui dissipatur à longè majori momento velocitatis à maxima systole cordis impressæ. Quæ quia ob conicam arteriæ structuram resistentias, & successivas imminutiones subire cogitur, in subsidio ab arteriarum actione, proportionaliter conservatur. Illarum enim ipsa actio motum, ex probatis imprimere potest
ver-

versus arterias, non versus cor.

83 Sed præter allatam inæqualitatem actionis arteriarum, quam tantum exerceri ostendimus versus tendentiam fluxus sanguinis, ob hujus momentum à corde impressum, insuperabile à momento contractionis arteriarum longè minori, ut ostendit robustissima structura cordis exercentis suam systolem præ validitate cujuscumque arteriæ; insuper illud evidenter evincitur à valvularum in orificio Aortæ existentium validissima resistentia, per quam omnis contrariæ urgentiæ effectus, si quis unquam concipi potest aptus, ut superet velocitatem sanguinis à corde impressam, inanis, immo nullus omnino redditur. Nam valvulæ, dum laxantur contra refluxum

um sanguinis in quiete non
 movibili constituuntur, quam
 nulla naturalis urgentia amo-
 vere potest; ex qua, & motu
 contrario impetus à corde pro-
 cedentis, sanguis ipse respectu
 urgentiæ contractionis arteria-
 rum constituitur tamquam cor-
 pus solidum impenetrabile ver-
 sus cor à quacumque impres-
 sione motus contrarii, qui
 ipsum retardet. Ex hoc igitur
 etiam patet falsam esse conse-
 quentiam Clarissimi Viri super
 æqualitate urgentiæ contractio-
 nis arteriæ fundata, quæ æqua-
 litas, quia æqualē non habet
 effectum, nihil concludit.

84 Cæterum si quid conclu-
 deret, nimis concluderet. Nam
 supposito, quod Aorta dum sese
 contrahit, tantum ab una e-
 xtremitate juvaret sanguinis
 flu-

fluxum ad cæteras, quantum à parte contraria illum retardaret, idem sequeretur, dum se contrahit cor ipsum in sua systole. Cujus urgentia quia æqualis est tam versus Aortam, quam versus venam pulmonarem, contentum liquidum quaquaversum, si prematur, moveri debet; Nulla ergo velocitas sanguinis à contractione cordis sequeretur, quia tantum retardaretur fluxus sanguinis, quantum promoveretur ab æqualitate urgentiæ versus utramque partem Aortæ nempe, & venæ pulmonaris. Quod quia est absurdum, nam valvulæ venæ pulmonaris resistunt, ne urgentiæ æqualis effectus æqualis eveniat: Ergo idem dicendum est de systole artiarum.

85 Paulò inferiùs autem subiungit idem Cl. Vir, quæ sequuntur, nempe: *Neque ignorare oportet velocitatem sanguinis in eadem ista hypothefi, Aorta sese contrahente, eandem omnino esse, ac ante ejus contractionem, quum enim eadem vis per allegatam actionis, & retroactionis legem, applicetur sanguini, Aorta sese constringente, ac eadem se dilatante, & quum sese contrahit Aorta sanguinem urgeat prorsum, & retrorsum, manifestum est, sanguinem tempore contractionis ipsius Aortæ eam solum obtinere velocitatem, quam à viribus intelligentibus exceperit, nempe illam, quam habebat ante Aortæ contractionem. Sed quia ad illam suppositam æqualitatem actionis, & retroactionis, de qua satis in superiori responsione actum est,*

est, nihil superaddit doctissimus Vir, rationes antea repositas interim sufficere puto.

86 Addo tamen, me ob transcriptionis celeritatem, casu omisisse aliquod enunciatum Cl. Auctoris immediate post primam propositionem, quod mihi rescribendum erat hoc modo: *Verum ausim dicere elasticitatem Aortæ, nec augere, nec minuire velocitatem sanguinis vi nunquam cessante impulsu, constantique cursu arteriam magnam transeuntis. Id quod vel hinc quoque confirmatur, &c.* Ex quibus postremis verbis palam est, Cl. Virum ex antecedentibus ibi, probatum aliquo modo Aortæ elasticitatem neque augere, neque minuire velocitatem, supponere, quod non video. Nam ex

eo quod transeat sanguis per arteriam, impulsus vi nunquam cessante, & cursu constanti, scilicet perenni arque continuo, illa indifferentia velocitatis neutiquam probatur. Probandum enim erat sanguinis velocitatem eandem esse in systole arteriæ æque ac in diastole, quod ex continuitate cursus sanguinis, & nunquam cessante impulsus vi non deducitur, quibus non obstantibus velocitas potest esse major in alterutro arteriæ motu, vel contractionis, vel dilatationis, etiam perseverante in utroque earum vi impulsus à corde, quæ æqualis falso supponitur, ut ex ante dictis demonstravimus, cor enim per alternas vices eandem exercet contra expositas resistentias. Ita

ut

ut in actu systolis cordis, major esse necessario, dicenda sit velocitas sanguinis ab ipso exeuntis, quam in actu illius diastolis, & sic successivas velocitates correspondere necesse est (quoad vim cordis, non quoad supplementum arteriarum) iis motibus cordis, adeoque inæqualiter procedere. Et si in tota circulatione, illa æqualis est, id ipsum supplemento arteriarum contractionis est referendum.

87 Sed video, unde anfa obijciendi peti possit, si quis disputandi studio oppositum tenere velit potius, quam veritati se adungere. Extat enim propositio centesima quadragesima quarta in libro de motibus à gravitate factis incomparabilis Viri Jo: Alphonfi Borel.

relli, ubi has argumentationes,
 quas huc afferre pro clariori
 animadversione cogor, exara-
 vit; Quarum aliqua responsio-
 ni mox allatæ superiùs favet,
 in qua ostendere assumpsi effe-
 ctum urgentiæ contractionis
 arteriæ non esse æqualem ver-
 sus cor, ac versus cæteras ar-
 terias ob resistantiam motus, &
 impetus contrarii superandi.
 Earum vero argumentationum
 aliqua Galeni sententiæ adsti-
 pulari videtur, ostendens dif-
 ficultatem impressionis novi
 motus in corpore in motu jam
 constituto, sic enim ibi dicitur.
*Immo si velimus philosophari ju-
 xta sensus evidentiam, multoties
 experimur, quod majori difficul-
 tate imprimitur novus motus in
 eo corpore, quod actualiter mo-
 vetur, quam si in quiete amovi-*

G bi-

bili constitutum fuisset, & hoc
 constat hac ratione, quia, aut
 motus, qui de novo imprimi de-
 bet ab impellente, vergit, ac
 tendit ad easdem partes, ad quas
 corpus mobile fertur, aut ad par-
 tes oppositas, vel transversè.
 In his patet quod multo diffici-
 lius imprimitur novus motus, quia
 præter inertiam corporis mobilis
 debet quoque superari resistantia
 impetus motus contrarii, &c. Si
 postea motus corporis mobilis, &
 moventis fiunt versus easdem
 partes, atque velociori motu mo-
 bile, quam movens fertur, tunc
 patet adeo falsum esse, facilius
 moveri posse corpus illud in mo-
 tu velociori constitutum, quam
 si quiesceret, ut è contra in quie-
 te ab illo impelli posset, ac in
 fuga non posset à tardiori im-
 pulsore urgeri.

88 Et quibus patet, primam argumentationem desumptam ab impetu contrario superando à motu novo favere expositæ responsioni meæ, alteram verò contrariam assumpto systolis usui videri posse. Si enim verum est, quod sanguis à corde impulsus, quatenus mobile actualiter motu agitaturn, velociùs allabatur, quàm movens arteria, se contrahens, ferri possit in ipsum, qui in fuga nequeat à tardiore impulsore urgeri, nullus quidem erit contractionis arteriarum usus, & cum Galeno, & Neoterico supra indicato fateri cogimur contractionem illam nihil esse, quam operis arteriarum cessationem, sive diastolis illarum quiescentiam, intra quas sanguis unicè à

corde impellatur, vel naturalem quidem restitutionis motum, sed nullius usus arteriis datum esse.

Sanguis non movetur velocius, quam arteria.

§ Sed est advertendum, quod sanguis à corde impulsus in actu contractionis arteriæ non movetur velocius quàm ipsa arteria. Nam certum est, diastolem arteriæ immediatè succedere systoli cordis, ipsamque nil esse, nisi effectum nifus sanguinis contra resistantiam parietum ejusdem canalisis. Patet ergo motum sanguinis in fine diastolis arteriæ tantum velocitatis amisisse quantum dicta resistantia demere debuit, neque idem momentum velocitatis tunc sanguini remanere, quod concepit in exitu à corde. Quia verò finis diastolis arteriæ est finis impulsus cordis

dis, ni dicere velimus eundem esse impulsus in cordis systole, ac in hujus diastole, quod est absurdum, dicere cogimur, systolem arteriarum succedere minimæ omnium velocitatum cursus universi sanguinis, quamvis hanc ipsam non cessare omnino dicamus in fine impulsus à corde concepti. Non ergo sanguis à corde impulsus velocius movetur, quàm arteria in actu, quo hæc ipsa se contrahit.

90 Rursus, quia contractio arteriæ succedit imminuto impulsui sanguinis à corde impressi, & ipsa contractio fit per insitam, & naturalem vim fibrarum, hæc eadem velocior supponi debet, quàm impulsus, respectivè externus à corde proveniens, & diminutioni sui

impetus obnoxius. Dum inter-
rim arteriæ contractio sangui-
ni præsentissima, circa eun-
dem undique agens, tardior
movens supponi non potest.

91 Hæc sunt, Illustrissime
Præsul, quæ sapientiæ tuæ of-
ferre non sum veritus, animi
tui summa humanitate, qua
meæ servitutis humillimos
actus respicere consuevisti,
allicitus; Diutissime vale.

Dat idibus Jul. 1730.



*De velocitate Sanguinis in
arteriis comparata cum
velocitate , quæ
arguitur in
Venis.*

91 **P**Etieram à celebri Vi-
ro, cujus summæ pe-
ritiæ in Physicis, & sincerita-
tis in moribus mihi nomen
publico plausu innotuerat, ut
quid sentiret de iis, quæ *De*
Pulsus insensibilitate, ac de Sy-
stolis Arteriarum usu, scripse-
ram ad eum missa, commu-
nicaret. Ipse verò (quæ inge-
nita est ejus humanitas) beni-
gnè rescripsit, non sine lau-
dum, quas me minimè mereri
certior in dies fio, exornatione
non expectata, atque hortatio-
ne, ut ea communia facerem,

dita; Et bina objecta obtulit circa propositiones duas dissertationi, quam miseram, incidenter insertas.

92 Intactis autem, quæ non respiciunt objectiones, illius epistolam in parte, quæ ad oppositiones attinet, ex Italico hic fideliter traductam subji- cio, Responsionem utrique objecto exinde pro mea imbecillitate additurus. Inquit enim :

93 „ Dubia verò, quæ D.
 „ Giuccani mihi occurrere,
 „ dixi, ea non pertinent ad
 „ dissertationis Ideam, neque
 „ ad propositiones, quæ ad
 „ illius veritatem faciunt, sed
 „ ad aliquas tantum incidenter
 „ insertas, quæ numero duo-
 „ rum hic recensebo denuò
 „ deprecatus, ne te illorum
 „ te-

„ tenuitatis pigeat, sed, ut
 „ illa bono suscipias animo,
 „ velut observantiæ erga te
 „ meæ, atque obedientiæ te-
 „ stimonia .

94 Ad pag. 23. Period. 18. *In*
 „ *ceteris autem peioris nota, &c.*
 „ Inter causas Insensibilis pul-
 „ sus recenset diversionem in-
 „ fluxus animalium spirituum
 „ à fibris arterialium tunica-
 „ rum ad verba, *vel aliò di-*
 „ *vertitur, &c.* Hæc autem
 „ diversio, strictè loquendo,
 „ parùm tribuere videtur ad
 „ pulsus insensibilitatem, su-
 „ mendo pulsus insensibilis
 „ rationem (ut ipse sumis) pro
 „ pulsu extremè languido.

95 „ Pulsus enim, quatenus
 „ tactu sensibilis est, nihil est
 „ aliud, nisi dilatatio, sive
 „ diastoles arteriarum, quæ
 „ sola

„ sola sentitur, atque digitis
 „ tangentibus percipitur. In
 „ diastole autem arteriæ ipsæ
 „ se habent merè passivè, quia
 „ violentia impulsæ à corde
 „ sanguinis earum parietes ad
 „ extra feruntur, quod & ipse,
 „ ut exposuisti, consentis.
 „ Quod autem fortior, aut
 „ debilior sit unaquæque dia-
 „ stoles arteriarum, cum unicè
 „ pendeat à majori, vel mi-
 „ nori robore impulsus, quem
 „ sanguis à corde suscepit,
 „ quo tunicæ arteriarum ad
 „ extra feruntur, & versus
 „ applicitos digitos urgentur,
 „ pulsus extremè languidus,
 „ atque insensibilis, à lan-
 „ guore cordis eveniet, non à
 „ minori arteriarum robore.
 96 „ Scio quidem dici posse,
 43 nisi systoles arteriarum suf-
 fi.

ficienti validitate peragatur ob eandem animalium spirituum diversionem, sanguinis circulationem promoveri non posse, vel minùs sanguinis ad cordis parenchyma reversurum, minusque ab eodem expulsum iri, ex quo minor arteriarum dilatatio, & pulsus insensibilitas oriri poterit. Sed hoc posito sequeretur, talem diversionem fore causam pulsus insensibilitatis admodum remotam, & per accidens talem, non verò primariam, ideoque rem diffusiori explicatione indigere.

97 Ad pag. 79. periodo 76.
Quartò probavi, &c. Ut probes necessitatem systolis arteriarum, hanc desumis ab ea ratione, quam adducis per
 hæc

„ hæc ipsa verba , nempe : ut
 „ sanguis deferri possit per venas
 „ ad tantas distantias tali velo-
 „ citate , quæ non sit minor (nisi
 „ fortè sit major) ea , qua fere-
 „ batur in arteriis , ut illius
 „ statæ portiones in cor deponen-
 „ da presto sint , & promptis re-
 „ cursibus succedant iis , quæ à
 „ corde exhauriuntur , &c.

98 „ Juxta omnes verissimas
 „ hydrostaticas leges possunt
 „ profectò æquales sanguinis
 „ quantitates ingredi , & egredi
 „ à corde , etiamsi velocitas
 „ ejusdem sanguinis major sit
 „ in arteriis , quàm in venis ,
 „ dummodo sectiones , sive
 „ diametri venarum majores
 „ utique sint , quàm sectiones ,
 „ aut diametri arteriarum ,
 „ quæ homologæ sunt . Quin-
 „ immo de facto , quia sectio-

„ nes

nes venarum majores homolo-
 garum arteriarum sectioni-
 bus depræhenduntur, testi-
 bus Bartholino, Verheien,
 Boerhaave, aliisque, & æqua-
 les sanguinis quantitates in
 utrisque hisce canalibus cir-
 culantur, in ventriculos
 cordis ingredientes, & ab
 iis egredientes, sanguinis
 ideo velocitas necessariò ma-
 jor erit in arteriis, quàm in
 venis, & proportionaliter
 omnino reciprocari debent
 velocitates, atque sectiones,
 ut habetur in propositione 3.
 Castelli de Mensura curren-
 tium aquarum, ubi demon-
 strat Auctor, quod si fuerint
 duæ sectiones inæquales, per
 quas transeant æquales aqua-
 rum quantitates æquali tem-
 pore, sectiones, & velocitates
 re-

„ reciprocantur. Non erit ergo
 „ velocitas sanguinis in venis
 „ non minor, hoc est æqualis
 „ velocitati ejusdem in arteriis,
 „ multoque minùs major erit
 „ ad hoc præcisè, ut sanguinis
 „ statæ portiones in cor depo-
 „ nendæ præstò sint, & prom-
 „ ptis recursibus succedant iis,
 „ quæ à corde exhauriuntur.
 „ 99 Hæc sunt, quæ adnotare
 „ contigit, qua tamen stabili-
 „ tate id mihi factum fuerit,
 „ summa tuæ mentis perspi-
 „ cacia potiùs quam meæ per-
 „ cipere poterit. Nihil in fine
 „ dissertationis observare li-
 „ cuit. Interim multa pro vi-
 „ ribus meis imponas, oro; ut
 „ animi erga te mei prompti-
 „ tudinem frequenter experia-
 „ ris. Vale.
 „ Dat. . . . 4. non. Oct. 1730.
 N.

N. N.

Philosophiæ, & Medi-
cinæ Doctori.PETRUS CAROLUS VASOLI
S. P. D.

100 **P**Ergratum fuit, Vir
Clarissime, quod de
his, quæ ad Pulsuum disserta-
tiunculam meam spectant, in-
geniosissimas animadversiones
adjunxeris, quæ duas potissi-
mum dubitationes exponunt.
Ex quibus intellexi sanè, me
neque ab expectatione huma-
nissimæ ingenuitatis tuæ dece-
ptum, neque à præclaro, quo
fulges in Physicis nomine illu-
tum fuisse, dum, quod petieram,
singulari probitate, ac doctrina
integerrimè concessisti.

101 Respicit illarum altera unicam languidæ diastolis arteriarum causam in morbis aliquibus exempli loco à me allatam, quam spirituum animalium divertentium à tunicis istorum canaliū inopię tribuo.

102 Ad argumenti à te allati non leve pondus dico primò, me illo in loco à te notato non suscepisse causas omnes, aut primarias, aut proximas pulsuum imminutorum in morbis explicandas, sed aliquam tantum pro specimine quodam produxisse, qualis est diversio illa spirituum animalium ab arteriarum membranis aliò tendentium, quæ potissima æquè, ac frequentissima languidi pulsus causa mihi censetur, ex stimulis, aut obstructionibus orta.

103 Secundò, quamvis, ut rectè differis, à solo cordis impulsu fiat arteriarum diastoles, urgente enim sanguinis impetu, ad extra feruntur illarum tunicæ, id tamen verissimum est, quatenus hæc dilatantur, non autem quatenus sensibiles sunt, quod non à solo cordis impulsu dependet; sicuti neque dependere vidimus à sola, quantumvis magna extensione arteriarum, earumque amplitudine, quæ sitæ sunt in abdomine, atque in aliis mollioribus partibus corporis ob vicinitatem cedentium substantiarum, de quo respiciatur Periodus 43. Cum ergo, &c.

104 Nam præter præcisam positionem constitutam juxta corpora duriora, ut arteriæ in
H sua

sua diastole sensibiles, ac perceptibiles manu sint, illud etiam necessarium esse videtur, ut earum tunicæ sufficienti robore sint præditæ respectu ad cæteras nostri corporis membranas habito, non flaccidæ, non evanidæ; Sed fibris debito vigore turgentibus instructæ (quamvis alioquin diductilibus) secus enim, quod diximus de impedimento sensibilitatis à lenium corporum proximitate oborto, idem à flacciditate membranarum eveniret, dum spiritibus animalibus aliò evocatis, harum villi debiles, & naturalis turgentix vi destituti digitorum indagantium pressioni cedant necesse est, atque Medici diligentiam eludant.

105 Supponamus pulsationem,

tem non arteriis, sed venis
 statam fuisse à natura: Hæ
 quidem multò minori nervo-
 um, ac animalium spirituum
 copia donatæ, quam ipsæ ar-
 teriæ, tenuiorique tunica con-
 stantes, diastoles quidem ex-
 tendent, sed quocunque im-
 petu sanguinis extendantur,
 tamen ob lenitatem cana-
 um, nullatenus perceptibiles
 pulsationes efficient. Quæ à
 fortiori arteriarum structura
 conspicuè manifestantur.

106 Ut percussio quælibet
 sensibilis, non sufficit per-
 cussoris eximius vigor, sed
 requiritur etiam instrumenti,
 quo illa peragitur, aptum ro-
 bur. Gigas enim laneo baculo
 vehementer vibrato, aliquem
 ætens, pene insensibilem faciet
 stum: Puellus autem quer-

neum adhibens fustem sensum doloris efficiet.

107 Spiritus ergo animales, si à tunicis arteriarum deflectant, eas flaccescere oportebit, ex quo pulsus languor, & ejus insensibilitas oriri poterit, deflectunt autem, vel alio evocati à stimulis, vel in suis viis impediti, & alio tendant, opus est. Cerebrum verò, non cor est fons illorum influxus. Vigeat, vel languescat cordis ipsius vis, si via spirituum animalium, quæ tendit ad arteriarum tunicas, obstructa sit, etiam non obstructa via illorum, quæ tendit ad cor, flaccescere possunt arteriarum tunicæ. Quod non est metaphysica speculatio, ut docet Paralyticorum observatio, in quibus membrorum affectorum

arnes, nervi, & tendines manifestè flaccida sunt, quia spiritibus animalibus non irri-
 untur. Quinimmo nemo ex medicis id ipsum non observavit in utriusque brachii pul-
 su explorato eorum, qui vel in dextro, vel in sinistro latere corporis eodem morbo Paralysis afficiuntur; in sana enim parte carpi pulsus omninò naturalis, & vividus est, in arpo verò lateris oppressi scilicet pulsus est languidus. Quo in casu certissimè cordis impulsus viget, quod palam patet sanæ partis pulsus, & cum infirmæ partis diastoles finis sensibilis reperitur. Non ergo à corde in hac diastole languor evenit, sed ex defectu, & deviatione debiti spirituum animalium influxus.

108 Quoad alteram, quae me ornas, oppositionem contra id, quod exposui ad period. 76. dico, me quidem fateri, opinionem, quam foveo de non minori sanguinis velocitate in venis, quam in arteriis (ut rectè innuis) susceptæ dissertationi esse addititiam, & solummodo veluti nutu quodam, citra metæ propositæ necessitatem à me indicatam, eò tamen adductam, ut aliud systolis beneficium respiceretur in arteriis, quæ cordis impulsus auget, minuendos alioquin, in tanta canalium distantia, ut ne tardiùs, quàm oporteat portiones sanguinis reduces ad cor perveniant.

109 Hanc verò opinionem aliis otiiis declarare decreveram, ne tamen tecum, qui
me

me benignè respicis, inurbano
 silentio me geram, brevissimè
 ostendam ea, quæ mihi ean-
 dem probabilem fecerint.

110 Concipio enim ex va-
 riis, quæ congeffi, argumentis
 dictam velocitatem esse non
 posse tardiozem in venis, in
 naturaliter procedente sangui-
 nis circulatione, quàm in
 arteriis.

111 Cujus rei primam fece-
 rat suspicionem celeritas plu-
 ries observata, qua sanguis
 exilit à venæ sectionibus. Ex
 quo quamvis illa comparatio
 non elucescat, ex eo tamen
 non leve datur indicium, quo
 difficiliùs est intelligere mihi,
 majorem sanguinis dari posse
 velocitatem in arteriis, ex
 quibus aliquando sectis nun-
 quam major impetus exeuntis

*Velocitas
 Sanguinis
 tardior
 non est in
 venis, qu-
 am in ar-
 teriis.*

sanguinis fuerat observatus.

112 Hanc autem velocitatem (ne nominis Analogia fallat) non pro impetu, quo sanguis currit per suos canales accipio, hunc enim esse causam quidem concedo, cujus effectus est ipsa velocitas; sed pro spatio temporis, quo perficitur motus ab ipso impetu, seu mavis, impulsu, quo sanguis fertur in alterutrius generis vasis. Itaque si breviori tempore sanguis perficiat motum, per quem transire debet à sinistro cordis ventriculo, usque ad quaslibet arteriarum extremitates, quàm à quibuslibet extremitatibus venarum usque ad cor, tunc majorem velocitatem utique in arteriis esse intelligere debeamus, quàm sit in ipsis venis, & è converso ;

Pa-

Patet enim posse quodvis mobile corpus in eodem gradu vis motivæ intrinsecæ, aut extrinsecus habitæ, quam impetum, vel impulsum voco, majorem temporis sui motus, aut brevitatem, aut tarditatem dimitteri juxta varias circumstantias eidem motui dispositas, aut oppositas. Adeoque velocitatis sanguinis arteriosi, atque venosi comparatio erit inspectio temporis brevioris, tardioris, aut æqualis, quo sanguis inter supranotatos terminos naturaliter movetur in alterutrius generis canalibus. Nam quoad impetum, seu vim motivam palam est, quodlibet mobile cum impetu majori, aliquando tardius moveri ob easdem oppositas circumstantias, & cum minori aliquando velocius

ciùs ferri, ob earundem concurrentem diversitatem.

113 In arteriis autem impetum, quo sanguis urgetur, majorem, esse, quam in venis concedere, placet. Quò num respiciat allata demonstratio ex Castello, non adhuc attendo, mox compendiosè allaturus rationes quasdam, quibus ad eam, quam notasti, sententiam faciliùs inclinor.

114 Data majori tarditate temporis, quo sanguinis motus peragitur à venarum extremis usque ad cor, quàm quæ sit in arteriis à corde usque ad harum extremas, illud necessariò sequi opinor, quod in loco à te controverfo explicabam, nempe depositiones portionum sanguinis in cor tardiùs, & intempestivè successuras, scil. extra tempus

pus, quod exigit impulsus à corde in sua systole promovendus, & sæpissimè fieret, ut ipsæ systoles cordis, per quas impelli debet sanguis ad circuitum, vacuæ contingerent, nam quælibet earum, quia principium velocitatis sanguinis in arteriis omnibus verè dicenda est, æquè (in data tua Hypothesi) supponi debet velocitate majori, quàm venarum quælibet sanguinis in cor depositio celebrari, quæ similiter depositiones supponi debent tardiores, quam quæ justè occurrant velociori systolum constrictioni, sive cordis impulsui. Neque enim fieri posse autumo, ut tardius mobile ab ocio re movente opportunè excipiat, ut ab hoc eodem motus impressionem suscipiat, si ferriùs,

riùs, quam celerior actio moventis contingit, ad ipsum movens perveniat. Sed opportunè excipietur sanguis movendus à corde à venis delatus, si velocitate majori, quàm arteriosus, vel saltem æquali, non autem minori adferatur. Tunc enim aliququaliter anticipatæ depositiones, vel ex æquo contingentes, persistentem facient regulam alternationum naturalium systolis, & diastolis cordis.

115 Rursus autem, si sanguis velociùs in arteriis, quàm in venis flueret, non minùs prævaleret hæc velocitas motus in suo principio, quàm in medio, & fine, & è converso, non esset fluxus venosus tardior in suo principio (scilicet immediate post arterialem fluxum) quàm in medio, & fine: Finis
igi.

igitur, ut supra indicavimus, ejusdem venosi fluxus (scilicet depositiones ejusdem sanguinis in cor) tardior etiam erit, & similiter tardiores erunt ipsæ diastoles, aut depositiones portionum sanguinis in cor, quàm quæ congruant cum expulsiōnibus in puncto temporis, quod necessarium est, ut illa juxta systolis, & diastolis alternatio eveniat, ut optimè notat Michael Etmullerus Colleg. pract. section. 18. de sanguinis ex partibus refluxu pag. mihi 472. Sed hæc alternatio in statu naturali hominis juxte procedit, & de facto comprehenditur idem punctum esse finem diastolis, & principium systolis, igitur non erit tardius tempus motus sanguinis venosi, quam arteriosi, siue sanguis

non

non velocius in arteriis fluit, quam in cavitate venarum in statu naturali animalium. In variis enim morbis, præsertim ab alterato sanguinis motu pendentibus, alternationes illæ manifestè depravantur, ut ex pulsum observatione intelligimus.

*Causæ ve-
locitatis
sanguinis*

116 Cæterum si quæ faciant ad sanguinis velocitatem promovendam, pensitabimus, hæc tria potissimum noverimus I. impulsus quem cor imprimat, & arteriarum systoles augeat, II. resistentiarum deficientiam III. denique massæ fluiditatem.

117 Negari non potest major in arteriis impulsus sanguini communicatus à præsentioribus systolum cordis, & arteriarum actionibus. Sed quæ

re-

reliqua sunt, requisita duo,
 majoris proportionis cogno-
 scere oportet in venis, quàm
 in arteriis. In venis enim præ-
 ter sanguinis corpus ponde-
 rosum in utrisque canalibus,
 nulla motui opposita est resi-
 stentia. At in arteriarum quo-
 runque segmento nova semper
 adiungitur motui resistentia.
 In his enim sanguis à spa-
 tiis amplioribus ad continuò
 angustiora transire debet: præ-
 terea si sanguis arteriarum
 deponuisse præsumitur ad nu-
 tritionem solidarum partium
 propriæ substantiæ solidiorem
 partem, eamque compactio-
 nem, certum est, illius resi-
 stentiam quantitatem, nulli
 adhuc nutritioni destinatam,
 priùs quam denuò ad arterias
 accedat, à venis assumendam,
 esse

esse fluxiliorem. Quod est tertia conditio majoris velocitatis. Prima verò, quæ deficere primo intuitu videtur venoso generi, nempe vis motiva & impulsus major, præterquamquod communicata sufficienter est ab arteriis, & corde manutinetur, & forsan augeatur ab insito fibrarum venarum peristaltico motu, qui quamvis per sensus deprehendi non soleat, ratione tamen infallibili suadetur, quinimò in aliquibus venis etiam sensibus, ut infra demonstrabo, manifestatur per systolem, & diastolem.

118 Omitto communem Anatomicam observationem, qua patet, primam corporis animati partium moveri manifestè incipientium, esse de-

flexteram cordis auriculam ,
ex quo abundè patet ex parte
venarum potiùs conspicuum
esse sanguinis motum , ut ut
illius impulsus aliundè feratur .

119 Præterea si cruralium
Arteriæ , ac venæ ejusdem
vivi canis Truncus in utraque
coxa eandem à pedum extre-
mitate distantiam antea nuda-
tus , atque recisus , inferior
venæ , & superior arteriæ ,
uterque in oppositam utrinque
Phialam sanguinem fundere
simultaneo tempore permitta-
tur , deinde simul claudatur ,
videbimus majorem pondere
cruoris quantitatem à vena flu-
xisse , quàm ab arteria , quæ per
saltus effudit , dum vena æquali
fusionem sanguinem dedit .

120 Adeoque dubitari po-
test , num potiùs in toto venosi

ad

generis itinere velociùs excur-
rat sanguis, quàm in arteriis,
abundante natura, ut tempore
anticipato systolis cordis actio-
nem præveniat, & sanguinis
portiones in cor deponendæ
sint eo præsentiores constrictio-
nibus, quibus præcipuus im-
pulsus communicatur; *Non
enim* (ait Galenus 6. de usu par-
tium) *volebat natura vano labore
cor fatigari.*

121 Quod si posita majori
velocitate in venis citiùs, quàm
par sit, & in majori quantita-
te, quàm sinus cordis ferat,
ad cor ipsum cumulari san-
guinem timeamus, respicien-
dum est ad hujus musculi au-
ricularum structuram, quarum
appositio frustranea videri pos-
set, si vel minores, vel pares
capacitati ventriculorum cordis
san-

sanguinis portiones deponendæ
 fuissent in ingressu. Minores
 quidem, & tardiores, si velo-
 citas minor in venis, & pares,
 fuisset æqualis. Earum enim
 usus est, ut mensura debita
 sanguis ingrediatur in ventri-
 culum, & nullus excessus per-
 mittatur, servata interim prom-
 pta, & vicina sanguinis copia
 per majorem venarum veloci-
 tatem delata. Et insuper con-
 sideranda est actio valvularum,
 quæ in orificio venæ referentis
 obdistant, quæ eodem ipso tem-
 pore, quo in distensione tenen-
 tur à plenitudine interiori jam
 admissi sanguinis, obdistant
 nondum admissio, ne interrupto
 introitu parietes ventricu-
 lorum nimius opprimat. Sic
 anitores Milites (mihi liceat
 audis, atque vulgaris hæc simi-

non

litudo) in valvis Theatri moderatores ingressus admittunt quidem turbas ad spectacula concurrentes, at si nimix ferantur, & ingressum confundant, coercentur, & retrocedere coguntur, eodem modo providisse naturam animadvertimus, quæ voluit quidem sanguinis aliqualem congruum excessum ad promptiorem alternationem systolis, & diastolis cordis, sed per hujus auriculas, & valvulas venarum nimium excessum, quicumque contingere posset, est moderata. Cui moderationi conducit etiam ipsius venæ referentis, aut Cavæ naturalis extensibilitas, cum in ipso cordis ingressu regurgitare debuerat sanguis, & ab ampliore ejusdem venæ spatio ad angustius

etrocedere destinabatur. Ex
 quo fit illud ipsum, quod in
 superioribus dicebamus esse
 pulsum in arteriis, nempe ca-
 valis ad extra extensio in re-
 urgitatione sanguinis contin-
 ens, & postquam introierit
 in cor statim sanguinis portio,
 restitutionis motus. Pulsat
 enim revera prope cor ipsum
 Vena cava, sicut, & Vena pul-
 monaris, ut ex Bartholino
 Anatom. lib. 2. de Thorace pag.
 m. 404. (quod primus obser-
 vavit Galenus artificio so-
 perti, quod plures Neoterici,
 vel sunt imitati, vel fassi; En-
 zius, Sylvius, Stenon, Vualæus,
 & alii, de quibus ibidem Bar-
 tholinus) sicuti & Etmullerus
 com. 1. Institut. Med. Phys. de
 nutrit. part. cap. 10. pag. m. 84.
 Quod Galeni artificium huc

referre non mihi videtur incongruum, animadvertenti celebris Viri summam fidem, atque industriam, ut mirum sit cur ex eo quod aliquando nobilis hic auctor in exponendis partium usibus à scopo pro sui temporis conditione declinet, obsolescat illius auctoritas, quando in ejus anatomica historia nil non exactum, nil majori sinceritate relatum sit, dum eadem fideliter narret, de quorum causis ferè se fateatur ignarum, ut in inventione pulsus venæ cavæ hic exhibeo notandum ex lib. de decret. Hip. 6. cap. 7. his verbis.

122 *Nudari cor debet sine ulla Thoracis incisione gladiâli cartilagine extracta, juxta quam involucrum cordis annexum est. Tertia enim hæc est Thoracis*

tis in medio pectore à duabus
 reliquis diversa inanitas, &
 amplitudo. Si igitur ita fece-
 ris, & in rectum dextram Tho-
 racis partem, ut dictum est, dis-
 secueris, evidenter dextri cordis
 ventriculi pulsum videbis. Ne-
 que te fugiet meatum illum,
 qui cordi connectitur, à Cavà
 vena progerminatum, etiam
 ipsum, quemadmodum arteria, pul-
 sare. An vero id accadat ex eo,
 quod facultatem accipiat, &
 vim à corde, adeo vehementer
 influentem, ut illuc usque ebulliat
 & redundet, an ex sanguinis in
 contrarias partes agitatione, quæ
 ad dexteram cordis auriculam fit,
 aut alio quopiam modo cava vena
 motionem illam adipiscatur, su-
 pervacaneum est in presentia con-
 siderare, satis ad propositum il-
 lud esse debet, quod patet, hanc

venam non sicut Magna Arteria, una cum aliis omnibus, quæ per totum corpus decurrunt, omninò pulsare.

123 In hac observatione Galeni illud apprimè notandum, quod in postremis narrationis verbis adjunxit, nempe venæ cavæ pulsum, neque adeo conspicuum esse, sicut arteriæ magnæ motio est; neque unà cum pulsu arteriarum evenire, sed tempore aliquantum diverso. Mox enim observavimus cavam pulsare, quando cor sanguine admissio turgēt, quo tempore arteriæ contractæ sunt, in systole sanguinem impellentes.

124 Certissimus igitur iste venarum cordi adstantium pulsus nonnisi ex majori velocitate venosi sanguinis eve-

ire potest, in quo retardatio aliqua sit necessaria, donec systoles cordis ad actum perueniat, quo transeat portio sanguinis in regurgitatione retardata.

125 Non erit ergo impro-
abilis major aliquantò veloci-
tas venosi sanguinis supra ve-
locitatem arteriosi. Neque op-
positum suaderi putaverim à
substitutione Verheien; qua in-
fert Cl. Auctor, à majori velo-
citate in venis sequi divisionem
fluxus à subsequente arterioso
sanguine, unde præcedens im-
pressionem impulsus ideo ne-
queat admittere. Non enim
alem velocitatem intelleximus,
quæ omninò sanguinem veno-
sum ab arterioso sejungat, sed
aliqualem illius excessum, qui
præventionem sanguinis ad cor

exponat, ne systoles cordis aliquando vacua contingat. Poterit quidem talis velocitas aliquatenus rarefacere sanguinis rivum, sed potest in rivo rariori, minusque conferto, & in majoris libertatis cavitate, fluidum vim susceptam à suo impellente retinere, & eam cum majoris velocitatis effectu exercere, quando etiam à suo impellente affatim separatum ad notabiles distantias velocissimè transfertur. Neque ob majorem velocitatem venosum sanguinem omnino dividi ab arterioso docet syphonis usus, intra quem eodem tempore, impulsus, & coercitum corpus fluidum, minorem motum, & velocitatem exercet, donec aeris libertatem nactus tota velocitate defertur: Neque tamen

fuo impellente distat ejus
 xus, sed cum eo jungitur
 usque dum perdurat liquidi
 uantitas in Syphone. Simile
 uid in arteriis, & venis con-
 ngere opinor, ex quo corrui-
 t herheien dubitatio.

126 Nunc verò demum re-
 leo ad tuæ secundæ objectionis
 argumentum, quo sumpta
 Geometrica, siue Hydrostatica
 demonstratione P. Castelli
 concludis his verbis: „Quin-
 , immò de facto, quia sectiones
 , venarum majores homologa-
 , rum arteriarum sectionibus
 , depræhenduntur, & æquales
 , sanguinis quantitates in utrif-
 , que, &c.

127 Sed missum facio quic-
 quid subministrare potest dis-
 paritas orta ex propositione
 doctissimi Castelli de aquis ca-
 na-

naliū homologorū diversæ
 diametri, nunquam non in de-
 clivi fluentibus, quarum vis
 motiva, & impetus est intrin-
 secus ipsis aquis, scilicet earum
 gravitas, quæ nullis unquam
 resistentiis imminuitur, nisi
 aquarum quantitates minuan-
 tur, neque augetur, nisi hæ ipse
 augeantur, & est æqualis in
 diversæ diametri canalibus, si
 quantitas est æqualis. Quod
 non procedit, in sanguine ani-
 malium circulante, & per suos
 canales fluente, simili, & pari
 ratione. In his enim gravi-
 tas, qua fertur sanguis, non
 solum non est vis motiva, sed
 vis motivæ obstaculum, & gra-
 vitate aucta, impulsus, & vis
 motiva imminuitur. Sicut &
 oppositis resistentiis, impul-
 sus idem sanguini decrescit, cui
 non

non insitus est, sed ab extrin-
 seca facultate communicatus .
 Omitto similiter quidquid con-
 tipi potest de majori velocitate
 arteriarum capillarium sangui-
 ni tribuenda, ob allatam mi-
 noris diametri rationem, quam
 Aortæ, in quibus proportiona-
 liter æqualis est quantitas san-
 guinis quantitati Aortæ. In his
 enim immorandi non datur
 otium, & pro concessa transeat
 major Hypothesis . At non
 præteribo id, quod monet Boy-
 le, magnus æquè Philosophus,
 ac Geometra . Hic enim in
 libro de Hydrostaticis parado-
 xis epist. ad Vicecom. Broun-
 cker docet, multa à Mathema-
 ticis frequenter supponi, qui-
 bus datis, vera quidem sequun-
 tur, sed num dentur, nullo ar-
 tificio depræhendi posse .

128 Et revera mirum videtur, quo artificio factum sit, ut omnes omnium sanguiferorum canalium homologorum innumerabiles diametri, totque divisionum myriades fuerint nedum numeratæ, sed etiam dimensæ, & ad invicem comparatæ, ita ut concludi potuerit illa universarum major, & minor proportio diametrorum, quod si aliquæ tantum dimensæ fuerint, & ex his universalis illa conclusio deducta sit, reclamant (& jure) Logici. Neque enim bene arguemus hoc modo, scilicet : *Aliqua, aut multa arteria non procedunt sine comite vena: ergo similiter omnes.* Nam plures arteriæ sunt comite vena destitutæ.

129 Verumenimverò neminem ex Anatomicis majoris
no.

ominis, quos usque adhuc
 overim, mihi sive auditum,
 ve lectum adire datum fuit,
 ui universalem hanc Thesim,
 el demonstraverit, vel examini
 abjecisse affirmaverit. Si quid
 erò ab aliquibus de illa fuit
 firmatum, id evenisse puto
 b singularem aliquam compa-
 rationem: puta venæ cavæ cum
 omologa diametro arteriæ,
 ejus respectu in vita functis
 nimantibus illius truncus ad
 cor apparuerit amplior, & de
 omnibus inde vasis universalis
 propositio concepta sit, ab ali-
 quibus Anatomicis admitta, &
 b iis in verbo priorum ad
 illures traducta, non animad-
 vertentes, majorem illam am-
 plitudinem observari non po-
 uisse in vivis. In eo enim
 venæ cavæ trunco, & in dextro
 cor-

*Venæ non
 sunt am-
 pliores ar-
 teriis cor-
 respondē-
 tibus.*

cordis ventriculo colligi sæpissimè morientibus consuevit copiosa sanguinis portio, non rarò coagulati, qui cavitates illas implendo, & extensibilis venæ cavæ tunicas dilatando, majoris naturalis diametri specie observatores eludere potuit.

130 Cæterùm neque inter se conveniunt Anatomici in assignanda paucorum vasorum (quinimmò unius vasis) diametrali cum suo homologo comparatione, indeque certo, atque concordi sententiæ consensu, ut patet in figuris tabularum, quas exponere solent, ut accuratiores ostensiones historiæ partium, quas verbis descripserant, habeantur. Regnerus de Graaf libr. de mulierum organis cap. 1. Tab. 1. pag. m. 88. Truncum venæ cavæ de-

ascendentem , descendens
 Aortæ trunco ampliorem , seu
 majori diametro præditum de-
 signat. Contra verò Bartholinus
 in sua Anatome ad Tabulam
 45. pag. m. 257. in ostensione
 muliebrium Genitalium inver-
 sorum , & posticorum , majo-
 rem amplitudine , ac diame-
 tro describit eandem ipsam ar-
 teriam , quam venam eandem
 Graaf diversè demonstratam .
 Sic idem Bartholinus diversus
 Graaf est in Tab. 45. pag. 251.
 & in Tabula 27. pag. 179. ubi
 virorum organa demonstrat.
 Præterea Bartholinus idem in
 Anatomes lib. 2. de Thorace ,
 agens de vena cava , hæc habet.
*Primum vas est vena cava ven-
 triculo dextro inserta admodum
 amplo , & patente orificio triplo
 majori orificio Aortæ . Galenus*

¶ contra lib. 68. usu part. Corp. hum. cap. 14. sic ait : *Cum quatuor in corde sint orificia, &c. Tres in singulis sunt membrana, duæ autem duntaxat in arteria venosa. Oriuntur porrò omnes ex ipsis orificiis, unde profectæ, &c. In altero porrò cordis ventriculo alterum quidem omnium maximum est orificium, nempe Arteria Magna, à qua arteriæ omnes oriuntur, &c.*

131 Vides, doctissime Vir, in quam paucis vasorum sectionibus, siue diametris homologis contrariæ sint summorum virorum sententiæ, & quantæ veritatis hinc agnoscatur Boylei recensitum monitum. Neque enim possumus habere pro certis tam patentium vasorum mensuras ex relatione scriptorum, qui vel minimi minutiora,

ora, quæ tradiderunt æsti-
 antes, ea neglexerint, vel af-
 fectatione sententiarum, quas su-
 sperant (quod minus dubito)
 comperta pro compertis de-
 scribunt. Quis unquam ex-
 spectaverit talem sententiarum
 discrepantiam circa vasorum
 diametros, quæ præ cæteris
 potutui maximè obvia sunt?
 Tali artificio credendum est
 firmatam fuisse universalem
 propositionem de omnibus ve-
 narum, arteriarumque ampli-
 tudinibus, quarum numero
 concipiendo tantum mens ipsa
 defatigari se novit, si quatuor
 plas diametros, & orificia va-
 sorum cordis incerta faciunt
 dissidentes Auctores. Quia
 tamen res manifestissima dis-
 putatur, me procul à nota te-
 meritatis esse credidero, si inter

eos audeam, quæ mea sit, aperire sententiam, quæ quia ex levissima observatione dependet, in medium proferam, quid pluries repetita inspectione vitulinorum cordium concludendum esse citra eorum vasorum paucitatem conjecerim, ratus minimè necessariam fuisse plurium diversi generis animalium corda inspicere, ut veritas tenuis judicii mei saltem pabulo utcumque sufficiat.

*Experimentum
reprobās
majorem
venarum
amplitu-
dinem.*


132 Recisis quatuor hujusmodi canalibus in semidigiti distantia ab eorum exortu, pro qua separanda fuit arteria pulmonaris ab Aorta, quam arcuè antrosum cingit antequam ad illius levam disjungatur, indeque ad pulmones procedat, plurima experiebar ingenia, quibus certa ratio, & minimè

è disputabilis, comparationis
 adhiberetur, de quorum rela-
 tione, ut brevitati adhæream,
 non ero sollicitus, ultimum,
 quod maximè arrisit, exponens.
 Ferreus adhibitus est Circinus,
 cuius crura, arctè compresso
 cavo, tanquam axe junguntur
 ad altera parte, ideoque du-
 bus invicem adducebantur,
 etque deducebantur ambæ
 alius acies extremæ, quibus
 intra orificia vasorum immis-
 sæ, ibique non sine vi diductis,
 quantum ferebat orificii tunica,
 intra rupturam, statim in ea,
 quam acquisiverant majori di-
 latione distantiam, extrahe-
 rantur. Eligebatur autem pro
 hac indagine violenta orifi-
 ciorum extensio, quia difficiliùs
 in non vivi animalis vasis de-
 prehendebatur certa eorum na-


turalis amplitudo. Concidentibus enim venarum tunicis, angustia, quæ propria non esset, produci videbatur, quæ conjecturam confunderet. Neque verò in actu extrahendi, extremitates circini coarctabantur, quia priusquam ab orificiis amoverentur, solidior substantia, ne ad invicem illo actu accederent, inter easdem firmabatur.

133 Arteriæ Aortæ orificium eo modo extentum in vitulo 160. librarum circiter, cordibus, ad sequentis lineæ mensuram repertum est, sicut cætera orificia appositis lineis æqualia fuerunt.


Aortæ orificium vi extentum.




Cavæ orificium vi extentum.



Arteriæ pulmonaris orificium
vi extentum.



Venæ pulmonaris orificium
vi extentum.



134 Ex quibus manifestum
mihi fuit majoris diametri fuisse
Aortam, quàm venam cavam in
earum orificiis: Arteriæ pul-

monaris orificium æquale cum orificio Cavæ minus quàm orificia Aortæ, & venæ pulmonaris; Venæ autem pulmonaris orificium æquale est orificio Aortæ.

135 In qua extensione illud apprimè notandum esse videtur, quod quia venarum facilior extensio est, & arteriarum durior, ex hoc ipso major amplitudo naturalis arteriarum argui potest, quam venarum.

136 Hæc, & his aliqua similia rudis Minervæ fuerunt simplicissima experimenta, quibus collatum Bartholini recensitum thema, quo majus triplo docet esse Cavæ orificium quam Magnæ Arteriæ, non levem mihi admirationem imponit, adeoque dubitaverim, num orificii Venæ Cavæ
ter-

terminum in interioribus A-
 riculæ dextræ penetralibus ille
 posuerit, quamvis neque in his
 ipsis talem inveniam cavitatem,
 quæ triplo major sit amplitu-
 dine orificii Arteriæ magnæ.

137 Hæc autem sunt, o
 eruditissime Domine, quæ per
 optia meliora, si quæ data fuif-
 sent, attentius agere medita-
 bar, sed quæ immatura, &
 acerbiora tuæ laudatissimæ
 objectionis occasio à lento
 ingenio discussit, ut justè ve-
 rear, ne lectissimum judicium
 tuum minùs fortè delectent.
 Quæcunque sint: inter alia,
 quæ de me patienter excipere
 consuevisti, reponas oro.

138 Proximo Tabellario (ni-
 quid impediatur) ad te literas
 dabo, cum novo problemate
 disquirendo, *num impulsus*
cor-

cordis unico in instanti toti massa communicetur, an successivis temporibus. Vale.

Kal. Decemb. 1730. Fivizani.



*Num cordis impulsus unico in
instanti, an diversis, &
successivis temporibus
toti massæ com-
municetur.*

Eidem Philosophiæ, ac
Medicinæ Doctori
N. N.

PETRUS CAROLUS VASOLI
S. D.

INter illas, quæ valde per-
tinent ad motum sanguinis
notiones, ea mihi recensenda
videtur, Vir clarissime, qua
intelligatur, quo temporis pro-
babiliori spatio, sanguinis im-
pulsus à corde feratur ad cor.
Num

Num scilicet unicus ictus cordis, qui per ejusdem systolem fit, uno eodemque temporis instanti ad totum utriusque generis canalium circuitum sanguinem pellat? An potius cordis, atque arteriarum ictibus repetitis, & successivè urgentibus, eadem unica circulatio à corde ad cor perficiatur? Quod tamen certò discernere imbecillitas mea pro rei difficultate non assumit.

Prima Hypothesi admissa, id necessario est admittendum, ut quælibet diastoles cordis sit finis impulsus systolis ejusdem, quæ immediatè præcessit.

Altera subsistente, quælibet diastoles cordis erit finis plurium instantium temporis successivè intercedentium ab impulsu cordis usque ad sanguinis regressum in cor. Ne-

Neque verò pro temporis instanti strictè intelligi velim punctum illud indivisibile mensuræ motus, quo solo distinguunt Philosophi præsens à præterito, & futuro, sed latius accipio pro tempore brevissimo, quo per unicum actum celerrimum motus aliquis absolvitur.

Totam verò motionem sanguinis fieri per unicum instans posteriori modo sumptum, non exiles aliquæ rationes ostendere censentur, quas interea complet Clar. Laurentii Bellini ratiocinatio, qua probat Auctor in instanti temporis à corde ad extremas quasque arterias impelli sanguinem in libro de pulsibus, hoc modo.

Quoniam sanguis etsi corpus liquidum est, tamen incompressibile,

Bellin.
pag. 59.

¶ cum plenis arteriis à novo sanguine urgetur, aliqua solum ipsius partes per latera dilabuntur in spatium à distractis arteriis efformatum, reliquis ad eundem contactum persistentibus. Perinde igitur se habebit sanguis, ac si esset corpus omnino durum, adeoque impetus in idem imprimetur in puncto temporis per totam longitudinem arteriarum.

In eandem sententiam concurrit Isbrandus Diemerbroeck in Anatom. lib. 6. de arteriis pag. mihi 505. hæc habens: Verum illi non considerant sanguinem arteriarum esse rarefactum, &c. Eumque à corde impelli in arteriis simili ante sanguine repletis, unde cum pauxillum quid è corde in arteriam magnam propellitur, mox ab illo pauxillo etiam necessario

etum, quod omnibus arteriis
est, simul propelli, sicque omnes
arterias eodem tempore simul
istendi.

Causam igitur, qua sangui-
nis impulsus in eodem instanti
communicatur à systole cordis
arteriis omnibus usque ad ex-
tremas, plenitudini earum
tribuunt. Et quidem liquor
quilibet, quo syrinx impleta
est, eodem instanti, quo em-
bolus intruditur, ab altera
extremitate, quæ pervia sit,
extruditur. Et intestina flatu,
vel alia substantia fluenti tur-
bida, si ab una parte pulsantur,
alio pulsationis motio refer-
tur ad alteram.

Clarissimus Gulielmus Cro-
ne de mot. musc. S. 35. ut
ostendat, qua præcisè ratio-
ne citissimæ musculorum
mo-

motiones in animalibus fiant ,
 eandem plenitudinem succo-
 rum , huic muneri destinato-
 rum ad rei demonstrationem
 proponit his verbis . *At inquam*
hac omnia momento temporis ab
his causis præstari , simul enim
ac nervi fibrillæ H. E. G. ad
cerebrum protensæ concutiuntur ,
continuo istæ liquoris guttulæ ex
omnibus ejus propaginibus exci-
dunt , ut embolo syringis vel
levissimè intruso , liquor statim
exilit , namque summa intelligi
debet totius corporis à succis spi-
rituosis ac vitalibus plenitudo .

Quia verò insignium virorum
 doctrina plenitudinem liqui-
 dorum in suis canalibus pro
 causa potissima eorundem mo-
 tus celerrimi , & instantanei
 recognoscit , ut ex Bellino , in
 sanguine arterioso , & Croone

in succis musculorum motu-
 is, eadem ratio de venarum
 lenitudine deduci debet,
 am venæ pariter sanguine
 non minùs plenæ sunt, quam
 arteriæ. Et quoniam conti-
 nuata est utriusque generis
 usorum, sanguinisque pleni-
 tudo, unica igitur erit (respectu
 impulsus à corde suscepti ei-
 dem liquido continuato com-
 unicandi) causa motus in-
 stantanei arteriarum, atque ve-
 narum eodem tempore pera-
 endi. Idcirco tota circulatio
 sanguinis à corde ad cor uni-
 cæ instanti, & unico impulsu
 cordis perficirur.

Neque oberunt angustia
 minorum canalium, quin ea-
 dem libertate fluxus in utris-
 que contingat, ac in majoribus,
 quoniam ab angustioribus va-
 L sis,

sis ne minimum quidem re-
 tardatur sanguinis motus
 præcisè ob angustias, quòd
 manifestè patet per plura expe-
 rimenta, nam si per syringem
 embolo intruso, liquor aliquo
 colore infectus in truncum
 ex. gr. cruralis arteriæ (antea
 diluto sanguine) vita functi
 animalis immittatur, statim
 eodemque in impulsus instanti
 liquor ille per capillares arte-
 rias in capillares venas effusus
 ad truncum venæ cruralis de-
 rivatur. Cujus rei plures hi-
 storias apud Regnerum de
 Graaf in tract. de usu sypho-
 nis Anatomici habemus.

Quia verò certa est conti-
 nuatio fluxus sanguinis arte-
 riarum cum sanguinis venarum
 fluxu, & eadem plenitudinis
 ratio est manifesta, impulsus
 idem

idem unicus, qui à systole cordis
 imprimitur, ad eandem im-
 mediatam cordis diastolem
 eodem instanti perveniat, ne-
 cesse erit, & in unico instanti
 tota sanguinis massa unico im-
 petu concepto à corde ad cor
 impelletur, quia ut ait Bellin.
*l. c. tanquam corpus omnino du-
 rum ratione impetus concepti se
 habet sanguis ob plenitudinem
 canalium.* Et revera in corpo-
 ribus duris observamus, quod
 si percutiantur, impulsus, qui
 eadem percussione imprimitur,
 illicò ab extremitate percussa
 refertur ad alteram non per-
 cussam. In sanguinis autem
 circuitu idipsum percipitur,
 ex eo quod idem Laurentius
 Bellini affert in tract. de pulsib.
 pag. mihi 60. ubi ait: *Et cum
 ratione ejusdem impetus arteria*

*extrorsum moveantur, universa
arteriarum series eodem puncto
temporis movebitur extrorsum,
scilicet pulsus, sive dialtoles
arteriarum omnium (etiam
inæqualiter à corde distantium)
quia in eodem instanti sentitur,
satis probans in arteriis impul-
sum sanguinis in puncto unico
temporis per totam earum lon-
gitudinem fieri, idem & in
venis contingere manifestum
facit, quæ satis pro præcedente
Hypothesi de sanguinis impulsu
toti massæ in unico instanti
communicato breviter dicta
sunt.*

Oppositæ verò sententiæ non
levia sunt argumenta, quæ
possunt afferri: Si unica cordis
contrictione unicus totius mas-
sæ impulsus perficiendus esset
usque ad immediatè succeden-
tem

tem ejusdem cordis dilatationem in eodem temporis instanti, nulla foret arteriarum actio in earum systole, quæ tempore successivo, intermedio propriæ diastolis tempore, systolem cordis subsequitur, & se haberent arteriæ, tanquam meri Typhonum tubi soli sanguinis directioni destinati, in quibus pro nihilo institutæ fuissent à natura dilatationis, atque re-stitutionis ordinatissimæ alternationes. Quod quia est absurdum, & falsum demonstrant argumenta dissertationis expositæ, non ideo probabile videtur, unicam systolis cordis actionem, quam intermediat diastoles arteriarum in fluxu toto sanguinis obeunda, integræ circulationi per unum temporis instans sufficien-

rem esse, dum neque in solis arteriis ob allatam diastolis arteriarum mediationem supponi potest unicum temporis instans à corde ad extremas arterias impulsus producti.

Præterea supposito, quod in priori sententia sustinetur, sequeretur, ut unica systole cordis deficiente, periret homo: (quod in praxi falsissimum esse patet) periret quidem, quia simul cum eadem systole deficiente, deficeret totus impulsus, qui supponitur totus ab ea unica in integra circulatione à corde ad cor dependere, & eadem circulatio integrè sisteretur, quod idem esset, ac mortem evenire. Nam neque immediatè successura diastoles ageretur, sanguine per systolem cordis ad cor non appulso.

Rur-

Rursus verò sic deficiente immediate successura diastole cordis, neque novæ illius systolis actio (si quæ systoles peragi de novo posset, in deficientia integre unius circulationis) expectanda esset, quia nihil sanguinis ab antecessura diastole in cor fuit admissum.

Sed manifestum est in intermittenti pulsu, in quo deficit aliqua diastoles arteriarum, simul defecisse cordis antecedentem systolem, quo non obstante non solum vivit homo, sed in pluribus intermissio pulsus nihil mali portendit, quod letus eveniret, si ab unica cordis constrictione totius massæ sanguineæ dependeret motus unicus circulationis.

Neque verò tantam in canalibus sanguinis plenitudinem

in statu naturali supponere, possumus, ut ipse idem constituatur in qualitate corporis omninò duri, eo quod animadvertere debemus, tam arterias, quàm venas nunquam tanta duritie turgidas esse in naturali statu, quin potius ad tactum ita molles, & laxas, ut concipere necesse sit, eas fieri posse pleniores. Si autem respiciamus ad motus arteriarum, ex quibus certum est, earum plenitudinem per diastoles crescere, atque per systoles decrescere, nullum inde argumentum fuerit de tali plenitudine, quæ sanguinem constituat in constipatione duri omnino corporis.

Neque observationibus correspondere dixerim id, quod asseritur de diastole arteriarum
inæ-

inæqualiter à corde distantium,
 quæ in eodem temporis pun-
 to in omnibus similiter fiat,
 quia, ni fallor, aliquid diver-
 sum quilibet poterit experiri.
 Verùm dato etiam, quod eo-
 dem tempore fiant omnes ea-
 rum diastoles, id tamen non
 convincere crederem, non fieri per
 successiva instântia unius circula-
 tionis impulsus, quia aliquan-
 to concurrere diastolum tem-
 pora in omnibus arteriis, sæ-
 pius autem manifeste diversa,
 sicut observare.

Galenus in libro de Hipp.
 et Pl. Decretis 2. cap. 4. sequen-
 tem observationem descripsit.

*Advertendum tamen ne simul
 cum cor nudatur, adigendo cul-
 tro alteram Thoracis cavitatem
 vulneremus, quod si satis præca-
 verimus non tantum comprimere
 cor*

cor, vel collidere, vel tale quid
 facere nostro arbitratu licebit,
 verum etiam si totum avulsum
 extrahere voluerimus, non mino-
 re chirurgia felicitate id conse-
 quemur. Conspicitur quippe hoc
 in multis sacrificiis, qua de mo-
 re ita peragi consueverunt, in
 quibus interdum victima, erepto
 corde, arisque jam imposito, cum
 respirare, & intentè clamare,
 tum verò fugere tantisper visa
 est, quoad per sanguinis proflu-
 vium conciderit, quamvis qua-
 tuor maximis vasis divulsis cito
 fiat, ut sanguine exinanita inte-
 reat, quandiu tamen vivit, re-
 spirat, vocem emittit, & currit.

Cujus historiarum veritatem po-
 sterorum repetita experientia
 infallibilem fecit. Pater Par-
 dies in libro ab Idiomate Gal-
 lico in Italum converso,
 cui

ni titulus dell' Anima delle Be-
 ie period. 35. cart. 55. hæc ha-
 et: Così non si può dire, che
 questo principio risieda nel cuore,
 sendo cosa certa, che gl' animali
 anche più perfetti non restano di
 viver subito, che gli sia strappato
 cuore dal petto. Gal. 2. de de-
 ret. Hipp., &c. racconta essersi
 vedute nei templi le pecore &
 altre vittime fuggire dalle mani
 de' Sacrificatori, dopo che gli ave-
 vano aperto il petto, e cavato il
 cuore, e correvano, e gettavano
 accoratisime grida, & è cosa
 ordinaria, e l'ho veduta io stesso
 facendo più volte l'anatomia de'
 cani viventi, che dopo aver loro
 cavato il cuore non restavano d'
 agitarfi straordinariamente. Così
 delle serpi, e degl' insetti scrive
 S. Agostino lib. de quantitate
 Anima.

Sed

Sed æternum recondenda memoria Preceptor meus Marcellus Malpighi scribens Alphonso Borelli epist. 2. de pulmon. ait: *Circa verò motum sanguinis tua dignum speculatione unum se promit. Ligatis enim auricula, & corde, & ita sublatis motu & impulsu, qui posset à corde in appensa vasa derivari, adhuc sanguis per venas movetur ad cor, ut vasa suo conatu, & affluente copia distendat, & hoc per plures horas perseverat. In fine tamen, si præcipuè solaribus exponatur radiis, non eodem agitur continuato motu; sed veluti per vices impulsus fluctuans eadem simul progreditur, regrediturque via. Quod & accidet, avulsis corde, & auricula.*

Per hæc, quæ notavi, resumere de usu systolis arteriarum

par-

artes coactus fui, ne ex pri-
 ma problematis Thesi (quam
 per secundam refellere studui)
 videatur inferri posse, de usu
 eodem aliqua insubsistentia,
 qualis revera esset, si unicus
 impulsus cordis totam circula-
 tionis peripheriam in eodem
 temporis instanti pervaderet.
 & relatis autem historiis satis
 perque patet, quàm necessa-
 riò concurrant motiones arte-
 riarum ad circuitum sanguinis,
 circa quem successivè exercen-
 tur, atque cordis cuicumque
 impulsui succedunt, neque
 tam instantanea circulatione
 impossibiles sunt; & insu-
 per dempto instantaneo cordis
 impulsu, absque ab eodem de-
 pendencia aliquatenus perse-
 verant, ut ostendunt actiones
 respirationis, clamoris, &
 cur-

curfus victimarum, quæ adhuc
dempto corde vixerunt.

Hæc autem, qualiacumque
sint, eruditissime Vir, libenti
animo, tuo acri judicio sub-
mitto, ut si quid probabile
afferant, tuo asseras in verbo,
secus autem corrigas, enixe
precor. Vale, & me, ut facis,
ama.

FINIS.

INDEX



- A** Bdominis arteriarum etiā
superficialium, & am-
pliorum diastoles quare
sentiri non possit. pag. 50.
Solitus pulsus à Galeno sic appel-
latus, siue omnino deficiens, aut
(ut aliqui Recentiores vocant)
Nullus in homine viven-
te, quantumvis agrotante non
datur. 25.
Solitus pulsus esset verè, qui in-
termittens dicitur, nisi per pro-
ximas pulsationes suppleretur
defectui. 25.
Arteriarum structura. 38.
Arteria sunt cor elongatum. 40.
Suppetias cordi per suam systo-
lem ferunt. ib.
Vrelli Alphonsus quomodo expli-
ces

et actionem cordis in expellen-
do sanguinem. 74.

Borelli ratiocinium circa mobile
corpus actu motum, non evertit
ratiocinium actionis arteriarum
in sanguinem. 97. & seqq.

Carpus Brachii quare pro pulsa
diagnoscendo eligatur. 49.

Cordis solius impulsus pro integra
circulatione sanguinis conficien-
da sufficiens non videtur. 39.

Corde erepto animalia vixisse com-
pertum est. 169.

Diastoles arteriis est violenta. 41.

Diastoles arteriarum quomodo
fiat. 50.

naturaliter latens quando in-
dicia internarum affectionum
dare possit. 48.

Diastoles majores arteriarum ma-
jorum, earum insensibiles. 50.
earum sensibiles. 53.

Energia tunicarum, qua arterias
componunt, non minus facit ad
dis-

diastolis earum sensibilitatem,
quàm cordis impellentis sangui-
nem robur. 114. & seqq.

Experimentum mensura diametri
canalium sanguiferorum. 149.

librarum actio diversa, unde. 37.

laccrescentibus arteriarum tu-
nicis diastoles illarum langue-
scit, vigente cordis impul-
su. 114. & seqq.

luxus sanguinis in venis non se-
jungitur à fluxu sanguinis in
arteriis ob ejus aliquantò ma-
jorem velocitatem in venis, ut
dubitat Verbeien. 137.

aleni summa fides, & industria
in historia Anatomica, quamvis
in usu partium assignando ali-
quando hic Auctor labatur. 134.

Hydrostatica demonstratio Patris
Castelli de aquarum currentium
mensura contra propositionem
majoris velocitatis sanguinis
in venis, refutatur. 139.

- Insensibilitas naturalis Pulsus à
nemine descripta. 7.
in sanis sæpissimè datur. 10.
Insensibilis pulsus sub nomine Abo-
liti, vel omnino deficientis, aut
Nalli, Morbis lethalibus assi-
gnatur à Medicis. 10.
Insensibilitatis pulsus in morbis,
aliquot causa afferuntur. 22.
Insensibilitas pulsus innoxia quan-
do fit. 55.
Insensibilitatis pulsus naturales
causa. vide Pulsus.
Intermittentis pulsus causa. 26.
Motus peristalticus membrana-
rum, & fibrarum muscularium
quid sit. 34. & 35.
Unde oriatur. ibid.
Quomodo fiat. 36. & seqq.
Ex variis fibrarum figuris va-
riè operatur. 37. & seqq.
Michelotti sententia contra systolis
usum perpenditur. 75. & seqq.
Musculari vi prædita sunt arte-
rie.*

via. 39. & 40.

Nullus pulsus an in homine vivente possit esse. Vide Abolitus.

Objectionibus contra usum systolis suppletur. 67. & seqq.

Occasio scribendi fuit obsequium erga Illustriss. Præsulem. 5.

Pulsuum plurimę differentia à Medicis assignata sunt Metaphysica speculationes. 9.

Pulsuum differentia verè possibilis, & de facto comperta, præmittuntur à Scriptoribus. ib.

Pulsus omnes differentia possibiles dari possunt in agris aequè, ac in sanis. ibid.

Pulsus investigatio, quo sensu à Celso parvipendatur. 11.

Pulsus investigatio necessaria esset in hominibus adhuc sanis. 12.

Pulsus definitio. 29.

Pulsus non impropriè dictus est actio systolis arteriarum. 33.

Pulsus languorem quo artificio firmum.

- mulens in carceribus detenti.* 57.
Pulsus indagantes Tyrones Medi-
à quibus cavere debeant. 57.
Pulsus in Carpo cur sensibilis. 53.
Pulsus insensibilis causa inno-
xia. 55.
Pulsus naturaliter insensibilis in
Illustrissimo Prasule, qua sit
vera causa. 60.
illius probatio. 61.
quid augurari possit. 62.
quare debilitatem virium non
significet. 63.
si mutetur in sensibilem non
semper erit morbi, sed interna-
rum affectionum indicium. 64.
Pulsus intermittens in multis nihil
mali portendit. 67.
eo contingente, periret homo, si
totus impulsus sanguinis in in-
tegra circulatione in unico in-
stanti perficeretur per unicam
systolem cordis. 166.
Pulsus arteriarum diastoles non
sem-

*Semper in eodem puncto temporis
in variis arteriis percipitur,
sed varia est.* 169.

*Plenitudo canalium sanguifero-
rum falsò in statu naturali sup-
ponitur tanta, ut constituat
sanguinem in qualitate corporis
duri.* 167. & 168.

*Rythmus cordis conservatur per
majorem velocitatem sanguinis
in venis.* 122. & seqq.

*Systolis arteriarum nullus est usus
apud Medicos, sed perperam.* 30.

*Systolis arteriarum pulsatio, qua
nova observatione sensu perci-
piatur.* 31.

*Sustinetur contra objectiones eadè
observatio.* 67. 69. 70. 71. 73.


*Systolis arteriarum actio perpen-
ditur.* 35.


est motus naturalis arteriis. 41.

*Sanguis non movetur velociùs,
quam arteria se constri-
gens.* 100.

Tem-

Fig. 98. lin.	4. impellante	impellente
110.	5. miuds	minüs
115.	10. attamen	attamen
117.	19. repetitur	reperitur
118.	16. minuendas	minuendos
119.	16. comparatio	comparatio
123.	19. authumo	aurumo
126.	5. alterutro	alterato
129.	10. eandem	ad eandem
133.	15. observaverit	observavit
135.	22. considerare	considerare
136.	1. nan	non
139.	2. uxor	fluxus
139.	3. usque	usque
147.	18. solos	solas
148.	7. citra	circa
148. in margine	confirmans	reprobans
150.	14. extenutem	extentum
150.	15 vitulos	vitulorum
150.	16. cordibus ad	cordibus, ad
157.	14. relationes	rationes
158.	20. repletas	repletis
161.	13. instantane	instantanei
161.	13. iarteriarum	arteriarum
161.	18. perficirur	perficitur
164.	1. moveatur	moveantur
165.	12. dilataiionis	dilatationis
169.	22. peccaverimus	præcaverimus







A
Pymol

